

欣遇齋詩集



05397

序

蓋聞秋士能悲風人善怨登高臨水舒長嘯於林端卽境寫心飛
逸情而雲上一行作吏時寄美人香草之詞萬里從戎不作劍拔
弩張之態遂使洛陽紙貴頓教紫塞春回乃有章武名賢休文夙
望聲馳藝苑風雅溢於科名出現宰官繭絲變爲撫字河陽花滿
蜚清音於珠海灣頭梅里香濃叶逸韻于紅蕉館畔祇以微愆之
偶挂遽膺遠謫以長征只離星海三千遍踏秦關百二親朋一哭
記譜巾車書劍三生詞成瓠落別海門兮秋泛東籬黃菊之期弔
溇江兮夜遊司馬青衫之淚陰晴異態南嶺送而北山迎雨雪載
塗曉風尖而殘月墮所幸元戎下土書記雍容共知都護憐才館

序

餐稠疊悵天涯之淪落不相識而相逢念交分之纏綿亦有神而
有道同遊汗漫情往興來獨立蒼茫倡予和汝起秋笳之陣陣腸
斷霜鐘眄歸雁之行行魂銷雪笠雖淋漓盡致詎忍涉于怨尤卽
慷慨當歌總不離乎溫厚從此山川草木別有奇芳試看鳥獸蟲
魚俱成異采花門頡利考據爲耳目所經月竊天方部落亦指揮
可畫問尋橦與走索輪臺新唱竹枝化犢劍與牛刀玉壘更傳鏡
吹此日羈臣載筆不貴陳編他年軒使採風或資外史大輿龍鐸

序

序

欣遇齋塞外詩鈔

天津沈峻丹厓

中車集

壬子九月至癸丑三月

重九靖海門登舟

久客不知節重陽且泛舟遠天青欲墮樹澹宜秋小住江邊市

長懷花外樓五年虛采菊况乃望并州

月夜舟中作

片月下高空江山露氣中村深明遠火秋老斷寒蟲往事蘆中客

新銜塞上翁夜闌搔首望星斗尙天東

羚羊峽

欣遇齋詩集卷七

一片空青尺五天西湖靈鷲門清妍亂泉噴雪通香閣叢竹欹風

拂釣船造物竟容人快活好山肯與夢纏絲滄江秋老登高罷又

采黃花破醉禪

飛來寺

看山目欲眩入山神頗王苔磴盤谿衍羣峰非一狀松風灑飛泉

寒氣鬱磨盪禪石或點頭

山半有猿公本無相

寺有歸猿洞

暝坐清音

閣凝碧浸千嶂緬懷帝子靈荒遠毋乃矣

相傳軒轅帝子憩此

臺觀幾時移

雷雨一何壯蕭梁渺遺跡歲月隔塵障似聞龍象泣

寺為水圯

玉帶誰

能倡

時登帶玉堂借用東坡金山事

日午鐘魚鳴還舟狎輕浪

潁江夜泊

鳳尾書應到虎頭逐臣此夕且遲留城笳戍笛何時歇遠火寒星
別樣秋排悶偶披蘇老集懷人不上庾公樓來朝十八灘前望多
少圓沙起白鷗

放灘

灘空夜雨懸嵐氣雜炊煙莫忘臨淵懼初停上水牽倉皇辭虎口
渡索記鷗茲八口曾經此相思已四年已酉冬命內子攜兒輩北
歸贈詩云一身尚帶玉門
關數口先過十八灘今余戍西
城妻子遠隔萬里竟成詩讖矣

飲丁坊酒感而賦之

三杯卯酒意醺醺花露蘭陵讓此芬萬里何辭過吉水廿年一笑
又逢君

欣遇齋詩集卷七

九江待渡

遠水碧于天征途直似弦且停孤客騎又上九江船野屋寒雲重
高城夕照偏應憐彭澤令老去未歸田

琵琶亭

小榭猶千古空江想四絃青衫奚有淚紅燭久無緣短檝魚分翅
歸僧鶴聳肩西風留客住消受荻花煙

鹿邑道中

獨樹如人立羣山挾雨來蒼然秋色斷忽見戍樓開驛路稀芳草
鄉心對落梅西征慙賦手慷慨有餘哀

柘城

雪滿空城月滿天心馳前路著先鞭醉中嬉笑都成趣客裏光陰
不值錢鳥集荒塍翻宿麥人歸野徑冒炊煙驛牀投宿誰堪問夢
裏家門在眼前

旅次睢州

冰結黃河捲朔風天圍白屋走飛蓬眠宜篝火柴烟畔愁挂鞭絲
帽影中老眼繙書多愉悅枯腸得酒尙玲瓏真源戰壘休相問搔
首當年瓠子宮

滎陽

成臯西去黃河偪狹路輾轅一綫通冒雪山川迷向背催人日月
任西東孤身去國何辭賤萬里投荒不諱窮莫倚虎牢關上望暮

欣遇齋詩集卷七

三

天點點是歸鴻

望嵩嶽

突兀橫天出蒼然一氣浮晴嵐連太華秀色壓中州樹密陰常護
雲寒靜不流芝房應許住何事失淹留

赴西安作

匹馬衝寒雪意濃秦川流水照塵容三郎未必知山鬼六國何人
奠祖龍豐鎬至今仍右族粉榆無處不雄封旗亭畫壁知音少且
向青牛訪舊蹤

望華山

入山巖穴奇看山黛色好欣賞總一致何必事探討我行出潼關

萬峰青窈窕誰削菡萏姿窮冬開碧沼險絕雲臺峰矗立冠雲表
巍然烈丈夫簪笏袖諫草明星及玉女悉數未易了于役有程期
濟勝苦不早山靈如送我依依列晴昊投書固非愚逢仙亦非巧
他年訪希夷長眠此終老

太僕謁楊太尉墓

楊公凜四知所學在慎獨關西得大儒榮名豈爵祿我來瞻墓道
松檜蔭寒綠太息夕陽亭何人薦秋菊

山頭王猛墓

景略才不世談笑定苻秦桓公不能用棄賢資四隣臨危諫伐晉
大義非強仁他年風鶴懼始悟所見真侍中抱經濟遠邁謝與殷

欣遇齋詩集卷七

四

寄言騎馬客勿輕賣畚人

西行雜感

山頭霜月挂金盤溪畔松風急暮湍向北空知鄉路近經冬誰念
客衣單老語世味真如蠟悶對庭花不是蘭鞍馬何時容駐足且
憑棲息一枝安

太華西來翠浪過亂峰高處見黃河雲霾荒堡歸人少風捲平沙
落雁多身健却逢憂患日秋悲况奈別離何音書寥寂年光晚剩
有豪情對叵羅

蕭關楊柳不成絲尙記羊城送別時長路預持靈壽杖破裘聊當
辟寒犀唐陵漢寢今如此赤蟻元蜂或見之敢道籌邊容故吏丹

心還比向陽葵
崆峒文教未應殊
歷盡流沙萬里途
土穴燈明搖斷壁
雪林風急墮棲鳥
邑多舊友頻投轄
天憫羈人滅裂膚
記取幅員踰月蝕
蘭州今日是中都

寄內

逐客朝朝走傳車
深閨夜夜卜燈花
青山莫道能遮目
遙見焚香禮法華

乾州

問俗過關隴
雄風見雍梁
塵中時唱粥
屋上盡騎羊
渠涸銷雲雨
碑殘識漢唐
輓輸憐父老
凱捷報青羌

時征藏兵旋

欣遇齋詩集卷七

五

將至永壽

野潤大星明
孤行心易驚
踏沙憐鴈宿
拜月聽狐鳴
壞館車爭納
茶鐺手自烹
懸知安寢者
繡被夢初成

邠州口占

高原秃樹低
凍雲散復聚
沙上有行踪
何人自來去

大佛寺

四山圍若環
沙磧平似案
涇水貫其中
馳道真一綫
峩峩化人居
陡壁開宮殿
金身過丈六
慈悲容色善
最上明鏡臺
雲樹百里見
伊誰闢此巖
徒供耳目玩
佛祖在何許
妙相毋乃慢
我行赴西域
梵唄事蕭散
十笏現大千
象教亦露電
題詩記送迎
墨然有遐眷

額中丞題壁有我與
溪山管送迎之句

涇州

濁水咽還流行人古渡頭沙平環地盡山斷逐雲浮春早多歸鴈
農閒各放牛高臺明鏡在象教未堪求

平涼遇雪來當元冬雪草木盡凋泉竭寒響古穴舍爲代
野雪欺春淺紛飛點客身力微愁墮地色皎竟輸銀且赴紅爐醉
原甘白屋貧徘徊瞻玉宇好待日華新

安定

雪嶺蒸寒氣冰河束細流如何天北望不見海西頭長路已堪惜
吾生聊復休晚尋投宿處畫角起高樓

欣遇齋詩集卷七

六

過車道嶺

磴道盤空曲霜風拂面寒由來爲客苦敢謂此行難側足臨千仞
驚心想六盤嶺名危亭思小憩北望是長安

崆峒

固原州

軒皇昔訪道駐蹕登嶢岼豈謂荒阻地龍馭恣遐觀壁立逾萬仞
詰曲聯六盤我來當元冬雪積草木癩峽泉激哀響古穴舍餘丹
絕頂眺隴上一氣青漫漫人馬爭尺路重足不敢安琳宮瞻聖像
肅穆義其冠鼎湖已仙去此地猶盤桓何當追次寥天風生羽翰

蘭州渡河

斷岸冰千尺長河水一篙還將沛上夢分寄向臨洮

六年前自徐州渡河赴粵

今復過此而西迴
憶舊遊真如夢境

五十初度

開歲初稱五十翁
漫言服政已從戎
歧途歷盡都忘客
稚子書來也耐窮
玉筴荒唐誰百歲
金臺迢遞只孤忠
郵亭曾酒村童唱
持比瓊筵祝嘏同

平番

林間出女墻
雲水壓殊方
蕃馬嚙寒草
邊人眠夕陽
植黎不論價
村落儼成行
五郡推饒富

天威震羯羌

古浪

欣遇齋詩集卷七

七

山低雪易消
流水漲平橋
地絕燕支女
春多苜蓿苗
政聲懷令尹
藻亭從兄會令此邑
歌拍想瓊簫
明發邱遲座
清言慰寂寥
謂武威尹明府卿雲

自水泉至定羌道中作

峽路千盤上
真疑出地高
雪峰春不到
沙磧馬偏勞
邊樹無啼鳥
荒村有濁醪
玉關何處是
低首看青袍

雪中紀事

雙輪碾積雪
有如截玉肪
堅白無磷緇
屹立尺許強
陰嶺尤可玩
嶽絕成堵墻
或裂似頑石
炯炯騰寒光
勁風吹不化
沙路隨低昂
啜彼縞帶語
妙境奚足當
塞外遊亦得
艱苦早備嘗

肅州

飽經行路不知難荒阜寒沙迥鬱盤豈有花門馳騷裏尙餘羌羯
拜衣冠五涼往事悲張呂諸將威名越范韓設險當年資

廟畧東封何用請泥丸

肅州懷徐鷺峰刺史浩

鬻沸清溪稱酒泉官橋紅柳地產紅柳欲舍煙徐陵珊筆空題句不見

風流四十年

嘉峪關

曾收的博據蓬婆秦漢而還尙荷戈徼外天荒晴亦慘春來人倦
夢偏多吟鞭重戴憐將敝上巳清明惜又過歸路倭遲何處歇客
心翻急望鳴駝

欣遇齋詩集卷七

玉門縣

八

天圍四野碧彎環如蟻行人磧上還斜日半沉啼鳥去黃雲飛度

玉門關

野宿

野宿青天便作廬祁連山色走康居却憐定遠通西域老去如何

數上書

安西贈德副將德成額

萬里來尋玉塞春西風吹送馬頭塵平生結客多知己便出陽關
有故人

白墩

雙轂琅璫殷若雷

車行戈聲
戛戛有聲

蓬科經燒黑成堆不知處平沙盡

匹馬疑從天上來

三月三日沙泉見月

依然今夜月不似故鄉看客久春光歇天低暮景寒何須臨絕域
還與照長安頗有相如渴合情望露盤

長流水

刷羽初聞野鳥呼甘泉灑灑走平蕪綠楊影覆村墟靜絕妙秦川
落照圖

塞外杏花

野店一枝沾酒處山村半樹出墻時

二句
舊作

卅年舊句今重見醉靨

含嬌索賦詩

欣遇齋詩集卷七

九

漫成

日落天無影風來地有聲白沙晴不夜碧樹遠逾平名已題槐國
人應住管城他年問歸路吟卷卽郵程

牧馬歌

黃蘆岡作

朝牧馬天山下夕牧馬黃蘆野馬鳴風颼颼苦水咽不流安得馬
肥四足強送我還故鄉

缺月

缺月不肯墮亭亭隨我車我車行十里翳翳光初斜荒裔無草木
動地多風沙有時走鸚兔何處聞悲笳百里不逢人卡外村三家

掬泉解飢渴絕勝松皮茶我顏亦已厚我眼猶未花題詩問細君
愧不如秦嘉

暮春漸暖則羊者稀感而賦之

躑首呼羣集柔毛逐隊行山林遂初性刀俎脫餘生俗薄爭皮相
年衰體物情羨他三百輩日夕返柴荆

過頭堡見桃杏盛開

十里香

勝金

山遙低似枕野曠靜於枰殘日落何處怒風時有聲栖栖來異域

欣遇齋詩集卷七

十

袞袞笑浮生莫以知非晚常懸戀

主情

根克忒

蘆管響淒淒穹廬望易迷漸知邊地迴祇訝暮天低客况真鴻爪
年光信馬蹄欲消亭伯恨重譜大荒西

連木沁

烟外青山柳外村脩然景物似中原流泉夾路隨車轉細麥含風
濕露繁已向祇林棲怖鴿肯拈彩筆和哀猿葛巾差免影纓累漉
酒先尋老瓦盆

回部女

同部女兒妖冶姿，驪肩斜壓髻絲垂。珊瑚赤足能騎馬，笑折桃花三兩枝。

宋三間房遇風

天曠沙氣黃，疾風捲帷席。敝車那可前，人馬皆辟易。幸有三間房，地名奔宿慰驚魄。掩關學猿蹲，忘食倒冠幘。默思罪謫深，踉蹌詣重譴。曠懷絕怨尤，胡爲尙驚嚇。傳聞南山穴，南山口有風穴行旅每遭厄。其

氣如浮霾，其聲如裂帛。其勢如燎原，其力如鬥格。雷砰與海翻，比擬猶未劇。待旦殊怱怱，詰朝還赫赫。我昔官南粵，遭颶常悚惕。遠遊復何爲，茲復困風伯。輪臺僅千里，望望不能適。長吟杖杜篇，慨焉歎行役。

吐魯番

欣遇齋詩集卷七

七

山脉縱橫露泉聲，斷續間晴陽。當午熱地有火，邊路向臺分。塞外驛謂

之蕃帳隨青草，雄關鎖白雲。綏懷恩

帝德留駐 殿前軍 呈伊節使 伊江阿

高牙大纛鎮諸蕃，都護威儀霽日暄。曾感論文延野客，况容草檄向轅門。從戎敢惜流沙遠，獻策還干太尉尊。且釋盤陀依節鉞，由來知己易銜恩。

關展

風急馬蕭蕭，窮邊野氣驕。亂山分夕照，古戍接青霄。俗雜羌渾陋。

人來故絳遙

商民多
山西人

皇興瞻式廓未忍說無慆

野花

細草綠渠作意青
野花一例鬪芳馨
文姬肯向黃沙老
似識嬌姿訴窈停

欣遇齋詩集卷七

七



指

...

世

...

...

敘

解心釋神渾渾沌沌此鴻蒙告雲將心養之說也夫雲將烏知無者天地之友哉物物而不物故能物物白衣蒼狗雲誠幻矣而非幻也識非幻仍幻何必雲何必不雲膚寸而合不崇朝而雨天下彼其幻烏乎測之余是編不名鴻雪而名幻雲蓋不為幻圍者也又安知不幻為雨露為霰雪耶亦將拊髀雀躍而遊也已乾隆五十八年癸丑十二月存圃自敘



敘

十八年癸丑十二月存圃自敘

夫雲將烏知無者天地之友哉物物而不物故能物物白衣蒼狗雲誠幻矣而非幻也識非幻仍幻何必雲何必不雲膚寸而合不崇朝而雨天下彼其幻烏乎測之余是編不名鴻雪而名幻雲蓋不為幻圍者也又安知不幻為雨露為霰雪耶亦將拊髀雀躍而遊也已乾隆五十八年癸丑十二月存圃自敘

欣遇齋塞外詩鈔

天津 沈峻 丹厓

幻雲集

癸丑

抵迪化作

四月

尋河直到大荒流
禹畫何曾盡九州
瀚海幾程常載水
龍沙四月尚披裘
山圍戍卒羈臣夢
城擁風戈露雉秋

聖世籌邊逾漢代
漫教定遠覓封侯

書懷二首

鞏寧城外楊花飛
輪臺積裹行人稀
碧天萬里望不盡
日暮孤雲何處歸

欣遇齋詩集卷八

一

水不成河雪在山
曉看殘月挂邊關
歸鴻好去無書寄
但寫人人字一彎

和王九亭司馬

篤祐

龍雨樵明府

鐸

齋中小飲韻

秋聲隨客赴邊城
脫帽雄談物外情
小戶差宜嘗薄酒
中年早已悟餘生
養花欄檻煙雲濕
暖葉陂塘鴈鴛爭
比似歸田陶靖節
傲他籬下臥瓶罍

讀南華

得失如環未有期
誰能騎虎復朝犀
衰年拚作兒時樂
半醉方知醒處癡
面壁以來休說法
爛柯此後不看棋
孤燈畫角兼風雨
且讀蒙莊罷楚詞

題家書後四首

書去心先去秋歸人未歸莫教凭玉檻望不到金微
知爾添衣數應憐塞外寒綈袍能戀我忍共黑貂看
女嬌能刺繡兒穉解當家昨日分明見何曾天一涯
津水清瀾瀾邊月白浩浩故鄉肯早歸焉識陽關道

口占二首

不恨秋夜長但願夏日短夜長夢屢歸日短歲易轉

人間路有歧天上程無別請看烏壘花仍照津門月

六月十五日作

縱飲宜千日狂歌已七旬漫勞端正月來照別離人幕捲猶棲燕

欣遇齋詩集卷八

池枯罷躍鱗江湖風露好葦岸一垂綸

贈王南林明府

楠

君居百泉麓我家長蘆涓地隔千餘里雲龍不相隨當君鄉貢日
是我就傅時豈意與君同仕粵被斥共任天西陲窮達亦何有會
合乃爾奇車師烏壘古絕域少小讀史夢見之一朝忼慨走萬里
蒲桃天馬真如斯昆侖星海惜未到欲迎王母趨瑤池仙人不來
我心悲我心悲當告誰我非呂鉅非突梯那能媮鹽求揚眉歎不
可賣增其癡黃庭半卷恒喔咿我輩困亦得四海原同歸誰爲龍
伯爲嬰兒試問王喬可得知

久不飲酒龍四雨樵餉遺二罇因反東坡止酒詩作此

醉酒可觀德冲穆斟天漿但使不及亂奚必斥杜康時復一中之
陶然如還鄉力難致藥餌藉以鍼膏肓曾不吝去留適意隨低昂
况復能催詩豪氣騰光芒濡首固已甚澆書庸何傷再拜謝坡翁
天寒夜已長

感落葉二首

何處長亭舊板橋豆花籬落晚蕭蕭數聲塞鴈迴千里一夜西風
寫六朝送遠欲迷殘蝶舞題詩空憶瑣窗遙似知荒徑無人掃積
向蒼苔伴寂寥

慣見驚沙逐斷蓬回看濃綠也成空共余短髮梳頻少耐此嚴霜
浥更紅好趁江波遊汗漫莫憑簷鐸響丁東當年不遇桓司馬誰

欣遇齋詩集卷八

三

解榮枯一瞬中

昨夢

昨夢泛東海初日如跳丸滄波霾積氣中有蛟龍蟠駕舟入浩淼
彷彿聞仙鸞舉首逢曼倩笑齒粲玉顏揖我向閭闔排闥登金鑾
欲陳要眇志詎慮視聽難下臣甘守拙養此壺中丹獻君千萬壽
庶以明肺肝

曲木

我材如曲木陋不中繩尺截作輓與犁所用差可適置之梁棟間
工師應蹙額士元非百里易地乃展翮一試偶不中疲茶困遷謫
覆落五石瓠長爲志士惜空山檇櫟春相對情脉脉

偶成六言體二首

莫共舍人爭席且隨穉子分甘一飽更無餘事笑談桑苧江南
象罔何須問影齋茶至竟誰甘解得妄言妄聽南山只在山南

秋夕聞蛩

蟲語不知愁牀邊早報秋颯然風葉落何處大江流嗟我已無夢
憐君何所求故園應更切思婦在高樓

萬化

萬化不可極浮生那是真雲山閒似我天地老於人欲浣江頭水
難消衣上塵尺書勗兒輩慎勿話酸辛

聞角有感

欣遇齋詩集卷八

四

霜氣入笳笳欲裂一時吹向邊城月鳴鳴盡作出塞聲不管征夫
怨離別豪家貴客能無憂玉簫寶瑟隨清謳夜夜醉眠珠帳暖笑
人何事慣悲秋

廓爾喀貢象歌

蠻奴蹠踔朱旗揚象之來兮神昂藏身逾獐牛目類豕齒牙玉潔
尺許長首尾平衡鼻卷縮皮毛黯黹無精光似知厥主用底貢涉
波度磧殊馴良

朝廷威德遍荒服獒獻西旅雉越裳此象跋涉二萬里遠辭衛藏
趨明堂自從官軍拔濟隴番酋崩角如羣羊蠻觸何煩加一矢鴟
蚌之技非豺狼堪布達賴旣革面呼畢勒罕祛荒唐昔問古佛馭

獅象大秦今亦羈縻鄉象兮奚必貴服重鹵簿排列隨鴛行不寶
異物有藝訓作歌鳴盛符成康

哈密瓜

昆刀切黃玉瓜奇顏色好甘疑割蜜脾脆可敵新棗瓢實不作沙
凡瓜皆沙瓢此瓜獨實皮斑知漸老厥形兩頭纖回冠名亦巧有名回同帽者佳種

出伊吾蔓踈遍城堡絕塞饒清渠灌溉熟頗早連騎貢

帝京橙荔迹都掃此瓜後於荔支先於橙柑蒲鴿及狸首皆瓜名瑣屑何足校我

行萬里程飶此非草草作脯思寄遠味膩澤枯槁瓜可作脯三年行可

代口腹且一飽果赫奚必貪躬耕以爲寶

中秋塞外對月

欣遇齋詩集卷八

五

涼月不繫天冉冉空中行晶光紛四射白露皓已盈山淨草木衰
沙磧千里平那得絃管娛瓦缶間蘆笙興發不暇愁漣酒斟匏罌
拍手自成歌姁娥笑欲傾妻子隔萬里佳節月四明別後四度中秋惠好
指皎日豈必同車征明年復何處凡事難預評願如月不老悲喜
皆忘情披衣照無寐耐此秋蟲鳴

秋風引

鷓鴣鳴悲欲雨霜飄風墮然獵白楊衝突戶牖薄我裳燈花半落
垂寒芒停杯不飲歌慨慷天公惱我木石腸故遣萬里磨清狂我
家何在沽水傍妻孥汲井炊黃粱夢魂不到關山長自從踐更來
殊方三年忍辱忘淒涼愁思無益休徬徨堅冰消盡湛露灑瘳者

漸起病未疳願風爲我吹天間乘凌灑氣迎朝陽東歸咫尺攀扶
桑茅欄坐睡頭低昂醒來兒女羅酒漿黃鵠戢翼不復翔菰蒲春
雨眠鴛鴦

遣興四首

久客偏能健將衰未好慵題詩殊爛漫脫帽任從容霜圍藤纏石
晴簷鳥逐蜂靜中諳物理一笑且扶筇

中酒怯扶頭荒山入戍樓沈沈天宇近的的雁行秋沙磧稀游騎
農屯見祝鳩望鄉情未已晝角暮催愁

南極祠朱鳥西陲紀白麟乘風他日事臥雪此時人江對題襟爽
花迎跼屐春勝遊驚老大不敢怨沉淪

欣遇齋詩集卷八

六

將軍知愛客記室許論文庭茁忘憂草書藏辟蠹芸短衣思逐兔
雄劍欲捎雲坐看年光轉歸同穉子欣

神州

神州元自濶絕域此誰通邏迓無傳柝車師早挂弓雲山趨塞北
星斗挹天東乘障嗟文士空勞紀土風

懷愚齋弟

峴

七載常嗟鴈影分那堪萬里更從軍半生蹉跌無如我數口飢寒
却累君橐筆衙參隨曉入防秋戍角怕宵聞瓜期願祝

天恩渥歸里生涯儉與勤

漫興

篝火短檠邊思家夜不眠塞天空自老野月向誰圓暫逐票姚幕
慙同蘧瑗年只應尋上士更話去來緣

獨夜

河漢忽西落月斜林更深雁聲衝塞起山氣壓城陰書秘囊中草
絃留海上音清宵感漂泊始悔負初心

少陵詩有暖老思燕玉及全生狎楚童之句戲集爲一聯續

成四韻

暖老思燕玉全生狎楚童如何情爛熳只剩客西東翠被香消後
秦樓夢醒中那能忘綺語聊伴浣花翁

食魚

欣遇齋詩集卷八

七

頗愧侏儒飽無妨漁父醒懷哉登馬甲勝絕有魚腥刀七勞三歎
滄波赴四溟只今愁見汝留記楚江萍魚味不佳塞外得此頗難

輓成山司馬城

凄風吹散紙錢灰哭寢同人賦八哀那有童烏能問字也如太白
望憐才湖邊花發銘旌到塞外天荒弔鶴來幾見招魂還再返勸

君莫上化人臺

袁子才送君詩有妾那堪垂老別無家休上望鄉臺

投老

投老思前事飛騰最少年東庠分簡賦謂充教習西嶺拂雲眠西山看紅葉
香逕朝呼酒春燈夜棹船誰知牙帳底跌坐學逃禪

善將軍大獵歌

大漠草深烟霧惡，草間狡兔走撲朔。熊豕人立呼且攫，瞥然一箭
當胸落。將軍萬馬列戎幕，壯士彎弓爭奮躍。臂鷹牽犬殊齷齪，神
機火弩燎原赫。今年十月猶暄和，短衣窄袖奔如梭。獻禽給鮮營
前過，仰視山月搖金波。錦韉疊載毛血多，三軍燔炙飽且歌。蒐獮
講武休蹉跎，承平中外橐干戈。

遺懷

滿鏡霜華我亦嫌，強稱幻叟作頭銜。世情閱盡詩多冷，鄉信稀來
夢更甜。已罷汲泉忘漏甕，久甘食淡怕形鹽。從今悟得無生法，雨
滴荷盤兩不沾。

代寄二首

欣遇齋詩集卷八

八

妾在深閨壻在邊，相思萬里不同天。比來嘗見隣家婦，白首隨郎
井臼前。

傳聞消息盡平安，寫得家書欲寄難。可憶牀前小兒女，挑燈絮語
夜漫漫。

九日登高

虎峰今日儼龍山

紅山平名
臥虎山

也有黃花插鬢斑，醉裏不知身是客。

踏歌攜得夕陽還

有懷

聞罷三城戍，還屯四鎮兵。馬牛仍轉粟，犄角且分營。雪嶺年年在

星軺日日行。垂衣思

聖治往事薄營平

冬暖

塞外今年暖何曾霰雪零渠流爭湧碧林葉半搖青山作模糊態
鴻偏斷續聽吾衰甘耐冷長醉不宜醒

寓齋晚望

漫作荊州客應非若士遊雲扶殘日去山倚斷鴻秋萬事已黃髮
杜句何人識故侯蘇天邊鄉路近遙共一登樓

冬日

暖日無人覺晴軒負曝來抱枝禽欲墮垂檻菊猶開天意陽終復
年光晚更催笑呼形問影同夢不須猜

欣遇齋詩集卷八

九

送明節使赴庫爾喀刺烏蘇

上將宣威擁節旄前驅按隊肅弓刀天連雪嶺無迴鴈地聚蕃氓
盡獻醪持斧曾巡三輔近籌邊新築萬屯高不才忝作西園客喻
蜀還能拂彩毫

呈家刺史藻庭兄

名揆

君不見明月滿則虧花開風亂飛月虧尚有再圓日花落何曾上
故枝上天好生不貸死未聞耄耄還嬰兒當其嬰兒笑耄耄胡乃
駢背霜盈鬢老者忽去少者老復有兒輩嘲美之蒼山峨峨江水
馳一行一止誰所爲水亦不可絕山亦不可移何如置酒山水側

看花對月同兒癡

漫興二首

山蠶豈螫人兒童乃爭撲未死猶可飛差損翅與足惡作亦幾何
仁心惜已皓寄語雕陵鵲汝行恐不速

飢食不擇味勞息不擇牀苟非飢與勞重茵陳膏粱人心豈有足
温飽非可常艱貞利无咎固窮庸何傷

明妃出塞圖

萬騎風沙帳殿昏和親遠去愧稱尊六宮粉黛終零落掩淚還思

漢主恩

得家書喜次兒兆雲讀書頗慧

老夫已媿承先訓穉子猶能讀父書足跡居然

一作縱教

馳絕域夢魂

欣遇齋詩集卷八

十

久矣

一作終是

戀吾廬佩刀帳下曾陪宴摘葉林間自寫書如駛雙丸

行滿願未應長短較盈虛

玩雪贈馬敬堂明府

殿翼

久雪人語靜庭柯皓縱橫掩關還却掃小窗湛虛明羣山忽然失
天地何光晶相對起寒色斗酒聊共傾明年南中雪君當返柴荆
孺穉牽衣笑聒問塞外情紛糅六出飛沾濕裘與纓遙知爾時雪
中含絲竹聲抱潔非有異人事殊虧盈

溪山小幅

關西兩戒昔曾經飽看羣山湧帝青恰愛坡坵春樹外小橋流水

接茅亭

霽雪歌

塞上雪恰似燕山千里潔齋中雪拂面穿窗冷如鐵雪有知兮人無情任教聚散爭明滅昨日雪花大如掌餓鴟凍噤雉隨綱今朝日出天地開癡雲解駁山皚皚街頭泥滑欲沒髀先生高坐傾春醅却憶我家諸穉子搏雪作戲亦可喜孺人不解學烹茶但看融液添溝水去年京畿早無麥百錢升麩求不得此雪灑向冀豫州碾玉堆霜民可活平生踏雪遍南北狂歌直到長城窟好景無如雪霽時冰天彌望銀臺豁簷牙溜結如垂旒白屋村遠炊烟浮枯林鵠峙澗虬臥我亦膚粟披重裘今年看雪在烏壘來歲雪時釣沾水羣玉仙人不肯留一聲鐵笛龍驚起

欣遇齋詩集卷八

七

和殘柳詩

獵獵霜風挂月村不須離別也銷魂南朝金粉空詞客北渚烟波盡淚痕何處高樓吹玉笛依然芳草怨王孫一從唱罷銅鞮曲陶令歸來獨閉門

枕上

半醉翛然意自閒更無癡夢到鄉關欲知混沌希夷界只在冰牀雪被間

遣興六首

崦嵫日所憩一夕藏何許味爽復東升奔馳不憚苦月亦隨度轉養晦若處女牝馬利用貞無爲學夸父

自幼讀至老性命萬卷書佩服仁義言許身翅唐虞智短得糟魄
雖困忘其愚詎肯師季子發篋陳陰符

紅爐熟獸炭火熄灰亦死曩時炙手熱回首竟若此藜藿豈常開
炫服有人指達士知其然濯足向寒水

醉樵本頑拙騎虎斧其首一擊偶不中吼擲賊且走勸汝盍射兔
作脯可侑酒勇哉矜氣隆利器復何有

折葦以渡江煮石而療飢神仙信狡獪於理或近之人化尤可詫
牛山涕何爲不見馬生程蟲蛻飛禪襪

神龍困豫且掉尾隘若囚鮒魚在涸轍仰視監河侯萬族皆有託
守已焉敢仇古來賢與佞慘慘同一邱

欣遇齋詩集卷八

三

五道梁迺興提軍

風掣紅旗凍不翻

唐人句

驍騰士馬蹴昆侖入朝喜接

天顏近攬轡停吹畫角喧野雪光中團劍氣暮山影裏出寒村吟
鞭欲獻饒歌曲方信從軍是

國恩

敘

陶公甲寅歲正五十僕乃增一焉老大沒用惟冀保餘年放歸田
畝與農氓對坐莊門喫瓜子炒豆耳近患齒痛不能噬乾肺佐食
僅瓠一孟盧懷慎所云爛煮去毛勿拗折項風趣良可掬已惠子
病五石之瓠喭然無所容彼誠繫而不食哉僕既私爲美饌且以
落實貯酒扣之橐然大類坡翁負瓢行歌村野時間得句卽投其
中亦謫居佳話也若謂棄周鼎寶康瓠夫豈其然因名斯集爲瓠
餘云乾隆五十九年甲寅十二月存圃自敘

敘

正十六年

自敘

中亦頗異封請並苦需乘風再寶報感夫豈其然因名斯集爲瓠
餘云乾隆五十九年甲寅十二月存圃自敘

欣遇齋塞外詩鈔

天津沈峻丹厓

瓠餘集 甲寅

元夕二首

邊月高寒社火遙

塞外謂春燈為社火

柴門空度可憐宵
蘭泉去歲銀花裏

未得無情訪翠翹

投瓊纔罷酒船明
往事星橋逐隊行
更憶津頭爭演樂
香烟人影

匝春城

雪後邀友看山

一峰忽滅一峰見
皎如明鏡開生面
又怪誰歌踈勒鹽
蒼茫四野

欣遇齋詩集卷九

平窪昏浮光射日
海潮傾寒氣干雲
天色變六月不消
况始春萬

古窮荒作冰塹
人間何處無雪山
除却炎嶠皆斑斑
我充左校到

西域日對積玉
那可餐
聞道融流灌屯畝
定有黍稷堪釀酒
忘情

冷暖與君同
且拚青蚨酌大斗

贈孟茗浦明府 曷

有車共乘笠共戴
古人友誼久可耐
相逢何必不相離
豈以真誠

或拘礙我距君家
千里遙
公門桃李同攀條 同出安溪李學使門
香名早飲

初未識仕途異
轍難招邀
詎知彼此遭
貶斥
烏孫磧裏聯晨夕
狂

歌爛醉三百場
老馬嘶風邊月白
飛雷驚湍條幾年
故園歸去嗟

無田步檐攜手且說夢
寸心耿耿非求憐
君還魏博我沾水
君倘

能來定可喜小兒讀書女織練勅具雞黍供浮蟻無官亦得貧何妨閉門不復馳風霜升沈細事莫挂齒歲時伏臘追翺翔

偶作

塞上春不雨臥聞簷溜滴應是雪初消明窗澹將夕

送金蘭舟還浙江

離恨天高幾萬里人間路遠詎如此餘杭原不在天邊計日數程卽到耳君家白頭雙老親聞君得歸笑語真上堂甘旨拜家慶拂衣莫帶輪臺塵憶君出塞僅三載松竹滿庭色未改牽連細故那足論且可藏身對湖海我初見君情相投君今南去誰能留聚散何常休戚若忠孝大義蒙天庥日瘦風酸春尙淺東行好逐朝暉暖知到關中歸興濃肯因花鳥驅車緩送君但祝加餐食有使寄書無亦得承歡多暇定開尊西望浮雲倘相憶

欣遇齋詩集卷九

二

送王九亭還江南

陰山積雪光周遭柳絲含凍垂長縑邊庭二月風如刀吹裂征夫狐貉袍我友此時旋江臯特降

温旨恩先叨繫駒未得心切切河梁執手傾春醪君勉行矣勿鬱陶年逾服政猶未髦歸掃三徑誅蓬蒿大江諸山如奔濤憑几一覽窮秋毫酒酣振袂登金鼇或攜茶具依漁舫名章絡繹凌風騷流傳京國驚詞曹拔劍斫地休雄豪千將在匣光宜韜令聞豈必勲名標

聖心求士紆旌旄草莽還許陳芻蕘東山再起券可操仰視白日
蒼天高

吳孝子歌

孝子名聯璧福建寧德令吳公榛子嘗自畢節徒步省父
塞外成成山爲作傳龍雨樵暨余賦詩贈之

鷓反哺兮羊跪乳物性敦倫猶足取何況辛勤父子恩忍以安危
易腸腑吳公貶官來庭州厥子顛沛號相求寒暑山川三萬里往
返徒步逾行輒鬼神呵護幸不死得見乃父死亦喜孝子力農未
讀書深明大義竟如此明年吳公還故鄉孝子先歸葺草堂烏蒙
畢節山名烏壘共明月從今不賦關山長

欣遇齋詩集卷九

三

春日感懷柬孟六茗浦

老去休教白髮侵且憑瀟灑對山林方舟此日應念怒抱甕當年
苦用心睡美却嫌春夢短量微漸怯酒盃深鄉園二月花如海取
次扶筇許共尋

耳閉

坐痺行多緩陰虧耳乍聾未須聞國是真擬作家翁藥煮孤燈外
筓沈半枕中任教催老態留眼看歸鴻

文姬歸漢圖

平沙如氈山作帳人馳馬驟高原上蕃兒勇決能射生手撚僕姑
屹相向橐駝長鳴水草枯荒天匝地雲模糊前行後隊各相顧吹

筓纔遏擊提壺中有一人覩且妍斜披翠裘鞞兩肩嬌雛臥懷亂
招手笑索棗栗神怡然人說文姬喜歸漢兜離窈停曾唱歎肯教
留子棄其母由來義問人皆憚曹公此舉差不俗何爲椒室慘殺
戮當時哲父盡流亾區區一女千金贖我作此詩如見畫三春卉
木殊榮謝木蘭辛苦替從軍歸來獨坐空房夜

藤杖歌却寄陳瓊齋都戎

君不見扶留靈壽華而質競獻豪門倚牆壁妖姬幸豎擁而前焉
用下堂防足夫又不見刻玉作鳩賜老人與几竝授優大臣視履
考祥叶元吉寵眷如今逮賤貧我幼愛騎竹喚作葛陂龍有時學
長者折枝當扶筇爾時侮老今乃悔舉足蹢躅氣先餒未攜侍子

欣遇齋詩集卷九

四

共戎軒戈壁愁行石磊磊欻然奔走不暇讓故人贈我紫藤杖上
攀羣峭下臨淵截地鏗鉤力逾壯夷險與偕真益友那須蠻獠持
吾肘雄劍罷舞琴罷彈此杖摩挲難釋手君旣伴我來還應伴我
去相從患難不忍忘酬庸合奉仙人御

山水障子

胸中少邱壑腕底無山川涵括萬象入毫髮乃能神妙窮真詮一
重一掩吾肺腑天梯石棧相鉤連晦明遠近各有態四時生氣紛
迴旋此圖落筆頗得意不須粉本臨前賢大癡山居頗彷彿斧斲
著色清而妍背嶺青松出茅屋半江紅葉隨漁船始知天趣本清
妙良工心苦真能傳臥遊對此費應接高齋日日生雲烟

贈鎮西實夫太守

穆爾薩里

準夷舊部連伊吾，雄城頽頽壤糊雪。山綿延走西極，珠光玉潔寒侵膚。傳聞漢將破呼衍，穹碑半蝕苔生趺。更番列戍屹重鎮，承平擊鼓吹笙竽。猗歟穆公作太守，滂仁曠義陳嘉謨。行之一年遂式化，譬彼時雨苗其蘇。放衙吏散文字飲，幕府參佐能投壺。摺摭山經紀新語，軒轅臺下彎雕弧。題名歲月傳不朽，壯志已足驚休屠。竟肯輅車訪寒峻，風塵拂拭忘其迂。俗書澈句慙踈獻，公爲色喜心交孚。輪臺草衰秋氣早，失羣塞鴈鳴相呼。蒼山落日渺千里，側身東望悲羈孤。何時從公作指客，擺脫禮數成狂奴。伸紙愛寫循吏傳，更須索酒趨兵厨。知公大笑容，待坐短褐光映貂。稽禴人

欣遇齋詩集卷九

五

生遠遊良不惡，請看九譯恢

皇圖

飲酒詩二首

朗朗天上星墮地，化爲石鬱鬱澗底雲。上蒸爲雨澤，升沈任造化。物理安可識，感此撫貌躬。震蕩如海舶，失勢葬魚腹。奇貝那能惜，今年作學究。往歲慕俠客，借問何所成。獲此雙鬢白，聊復飲醇酒。陶然樂終夕。

飲酒戒勿言飽食，戒勿眠非族。戒勿昵往事，戒勿纏未能。物外遊且養壺中天，春風昨夜來枯楊。已舍烟中庭，掛明月。照我琴書筵，宵深羣動息。惟聽孤鴻鶯，喟焉念古昔。庶保晚節全。

杏花燕子圖
杏花燕子圖
杏花燕子圖
杏花燕子圖

江上春來乳燕飛
拂花穿柳故依依
舊家王謝堂猶在
莫戀餘香不憶歸

憶豫章舊事

憶趨子舍來
江右借得園亭便是家
一夜驚雷抽竹筍
滿溪春水長魚蝦
生衣試剪西山葛
活火親烹芥片茶
卅載韶光今似亂
峯開遍杜鵑花

懷嶺南

棕櫚門巷蠟牆開
丹荔黃柑手自栽
海日遙明洗母廟
瘴雲低護越王臺
喜看三稻流匙滑
粵田一歲三熟
訝說雙桅破浪來
買舶多雙桅時海上盜警

欣遇齋詩集卷九

六

小別炎洲真隔世
雪花也似嶺頭梅

塞上謠

松皮可煮茶
石油可膏車

石能炙油

糞塊持作炊
人畜呼作娃
邊人長幼皆稱

娃雞犬雜亦如之

三春無青草
五月飛雪花
陰山亘千里
豺虎紛如麻
身命輕一葉
東望日月遐
君行亦何為
去病不為家

答友

二分春色慰征夫
十里旗亭訪酒壚
賴有詩情合陶寫
從今無吏

可催租

拜月曲

明月那知愁佳人
宛共語香霧幕空庭
微涼生白紵

喚嚶歌

燈花亦弄人十書八九誤朝看青鳳來雙集梧桐樹

豈有

豈有金能爍都緣數本奇艱難吾道在涕淚古人知叱馭奚辭險
張弧每自疑德公眞羨汝歸去掩茅茨

宜都統入

汗馬如龍金作埒前抗隼旗後虎節將軍述職去朝

天一夜東風融積雪將軍出塞踰十年

天子倚畀緩北旋坤古番屯久綏輯巴里坤古城吐魯番庫屯各隊領俱統轄羽林六

郡無烽烟伊吾以西數千里風雨和甘禾麥美從官帳下或投壺

欣遇齋詩集卷九

七

舊吏筵前能聚米將軍善武復好文擁書弄筆至夜分大度包荒

言藹古析疑下問恒殷懃聞公遠行走相告裏糧趨送陽關道鴻

飛魚戩謳且思計日還應依左纛陰山戡戡伊水清公來增重公

去輕

九重定鑿籌邊績麟閣沙堤佐太平

瑞穀圖

人能不飲食萬古無耕耘誰知膏粱味皆出婦子勤襤襪初脫翻

厚車芄芄刺水秧針斜餘糧棲畝天所貺負戴強半輪天家太歲

守心夜復夜紅樹村邊搖擺稭清霜欲落小雨晴已辦雞豚賽秋

社九穗合穎歌西成四海蒼赤寄此生我未力田愧坐飽不須看

畫顏先頰

二游草堂

僕在輪臺題旅舍曰二游謂醉睡也皮日休以借屋借書
爲二游未免多事非得游之趣者

生事柴吾心陳編障吾目何如絕形役不耕亦不讀去鄉奚必懷
失馬焉用逐二鄉日可游陋彼書與屋半酣尋黑甜蓬島時往復
夢醒了不知是謂愚公否

送友人東歸四首

客舍添新夢征途想別期因君歸去早悔我到來遲
出關愁却喜入塞喜還愁又見天山雪相逢笑白頭

欣遇齋詩集卷九

八

君去應憐我余留尙憶君好將燕地月遙寄隴頭雲
莫話從前事如今苦亦歡請看同病者多少望歸難

遣興

蒔花種菜動經春怕著芒屨踏軟塵事過輒忘非盡懶客來便酌
不知貧曾看覆雨翻雲局也算登科出仕身檢點平生難寡過願
從學易問迷津

偶成

茫茫大地留人住草草秋風送鴈來一抹孤雲天四角紅山何處
有高臺

送周藹堂侍其尊人旋江南

青田白鶴丹山鳳肯向雞羣雜喧闌人生除是產空桑忍背君親
甘夢夢執政持法泣小臣玉關遠戍雁艱辛有子焉能戀家室矢
同飢渴趨風塵來時美哲歸顏變流光十載驚飛電共說恩寬石
父囚誰知力盡黃香扇我見尊公不記秋異鄉執手情綢繆君時
侍側恭且婉快談閩嶠娛羈愁書數博奕皆精絕深宵縱酒寒雲
熱乃翁含笑擊唾壺不管門前三尺雪我住輪臺君昌吉復從刺
史作記室中間判袂隔幾程形影雖分猶接膝我今代瓜君旋南
歷盡戈壁勞征驂白門風景宛如昔爲翁補屋披雲嵐功名外物
奚足取承歡差勝嗟靡盬我亦歸家教子孫擁書臥聽滄江艣

又作

欣遇齋詩集卷九

九

萬里侍親來十年奉親去歸掃舊茅檐差勝輪臺住

弱冠佳公子追隨孝友兼天倫有真樂肯被利名黏

出塞翁抱孫還家兒視膳春上雨花臺白雲飛片片

三釜嗟何及慙余髯已霜秋笳山店外送客當還鄉

秦斗菴韵自寫小照寄其母誠孝思也作歌遺之

人生豈無倫不因報國忘其親丈夫非無淚耻向窮荒灑魑魅父
母生兒不得力墮名辱行空太息君恩良厚臣罪深忍使高堂廢
寢食奉身如璧敢自侮倚閭時塵征人苦何術能寬慈母憂殷勤
寫照疑雙眸寄歸挂壁如侍側老親一笑逾珍羞至性感通殊有
神清揚面目真兒身去時壯盛歸未老長奉金萱顏色好

九月二日赴七道灣迓明都護

時出獵回

僵臥常嫌日出早，旋行但眊東方曉。欲雪未雪西風酸，野戍荒鷄啼不了。賤子解裝已二年，朝餐捫腹宵安眠。簿書期會幸而免，多暇惟課詩千篇。今朝結束走田圃，徑欲彎弓射豺虎。丈夫豈合老沙場，且雜兜鍪與噲伍。紅旗隊隊都護來，雲屯七萃喧春雷。歸路曹騰墮幘屋，轅門又進饒歌曲。

次韻迪化謙齋刺史

福善秋日遣懷

送暑迎寒轉八風，邊荒淒絕四時同。馬嘶古戍黃雲外，人倚高樓夕照中。怕聽鄉園逢水旱，何妨文士耐奇窮。知君報國忘家意，棨戟排門列炬紅。

述懷

欣遇齋詩集卷九

十

留得詩囊共酒瓢，依然蹤跡類蓬飄。鶴因久睡都忘警，松到嚴寒也解凋。絕塞身惟親藥物，故鄉人尙狎漁樵。樓頭明月風前笛，可是多情伴寂寥。

過舊城

迪化漢城

人行密樹侵衣綠，馬渡清溪濺沫寒。高下樓臺空在眼，望鄉何處是長安。

不見當年秀野亭，水榭天棘自搖青。尙書詩句將軍筆，亭有紀宗伯五將軍題都付騷人感落星。

贈陳道五記室

記得相逢雪未消又看霜重柳蕭蕭君如健鶻摩千里我似殘僧
話六朝但解高眠酌晚歲未須痛飲讀離騷清詞麗句如相贈不
繡平原寫素綃

束錢菊農

因尋芳草過僧院偶聽清歌上酒樓自信身名同附贅敢云天地
一浮漚當年漫擬陶元亮此日翻思馬少游燕樹塞雲天萬里照
人明月又中秋

遣興

未作遑中夢時觀局外棋下隣逢馬磨學道愧牛醫葱女歌金縷
羌童射兒皮遠遊休怨別風俗話龜茲

欣遇齋詩集卷九

十一

寄友

曾教弟子昇籃輿豈料殊方賦索居蟲臂鼠肝誰似我熊兒驥子
最憐渠及瓜預喜應逢代賣卜何勞更上書新釀初成香稻熟禦
冬旨蓄費脚蹻

野望

信步崇岡俯逝川寒郊不到又經年山橫朔氣沈荒戍鴈背斜陽
入遠天洗馬言愁真率爾桓伊吹笛總茫然青溪曾有歸來約記
得紅橋艤畫船

經徐將軍故居

死去安知戀空餘存者悲草痕侵舊榻蟲語出疎籬魂逐歸田鴛

公同鄉周二文留墮淚碑臨沒乞傷心那忍說華屋幾興衰
尹攜柩歸里余作傳

問花草堂落成詩以紀之人未補

西行萬里拂征塵十笏茅堂寄一身乞取後來知此意問花聊比
浣花人

題雨樵看雲小照

白雲定何物可玩不可名淪然纔觸石礮戶交縱橫誰言能蔽日
杲杲秋天晴攬囊亦奚有坐愛繞足行雪落不再飛雲散還復生
靈妙匪易測靜者知其情神龍歛噓氣形色何所營寄謝山中人
吾將臥且耕

送馬敬堂歸福建

欣遇齋詩集卷九

三

巍科海內誦高文出宰蕭然漢水濱未許三年遲報政却教萬里
屈從軍塞鴻聲裏頭如雪古驛燈前夢似雲今日

賜環人盡樂不須怙悵泣離羣

編管庭州已浹辰驚帆噩浪剩閒身金從煉後心方折松到寒時
色更新何用簪裾增外物爭如婦子見天真歸田恰好秋風爽飯
稻羹魚莫厭貧

題溪山雪意圖爲顧兼之作

烟暝雪斜飛江山澹如拭老樹臥槎牙高天起寒色山翁方獨往
巖徑行偏仄應是訪梅花清吟人未識

漫成

老逐歡場漸不勝飽看世事更如水塞翁失馬原非福有馬何妨
借客乘

身貴諱言貧賤苦時危悔積怨恩多只除彌勒同龕坐齊唱仙人
踏踏歌

稱詩塞外惟龍沈

雨樵及余

縱酒筵前得孟王

茗浦南林

兩載不知邊地別

問花小閣自焚香

余築問花草堂

莫爲炎涼百感生天多旱涉地難平風前蹀躞紅塵路却怪紅塵
撲面迎

苦寒行

元冥整殺氣太陽無光輝凜凜歲云暮嚴飈卷重幃出門何所有

欣遇齋詩集卷九

三

但見霰雪飛草樹盡枯折鳥獸鳴聲悲良人昔從軍幾載淹車師
昨日附書來苦言長相思兩襜著不暖糠覈餐不肥顧念貧家妾
抱影守中閨我寒不若君墮指還裂肌何況邊塞極面皴齒髮稀
天運有時轉更番行當歸長歌苦寒行淚下誰能揮

實夫太守贈狐裘

從軍不嫌衣袂短帶索何妨行步緩敝裘欲鞞勝於袒邊幅不修
非爲嬾使君惠我狐貉暖頓令四體春意滿憐才禮士高義罕何
以報之金銀管

自題倦遊集

狂遊真倦矣海宇實雄哉
客少妻孥累衰應日月
催腐儒雖誤事老圃或多才
鄉里歸何日詩篇取次裁



大律更論何口精益類文媛

寶華姑客小妻孥累衰應日月催腐儒雖誤事

欣遇齋塞外詩鈔

天津 沈峻 丹厓

倦遊集

乙卯

人日遣懷柬雨樵

人日竟何日新春未是春

十五日立春

賴多羣嶂雪肯伴獨吟身世態

難忘俗交情或厭真逢迎惟老輩更覺故鄉親

和雨樵人日病中遣懷二首

塞垣人日冷年華雪壓高城罷曉笳當戶春幡偏旖旎得羣歸雁
故橫斜江山助我何須病天地隨人總是家重戴吟鞭沙路穩從
今那復羨星槎

欣遇齋詩集卷十

一

五年漂泊已難堪但祝歸期不待三幸遇伯通傭廡下且同太史
滯周南多情豈爲春蠶縛好話真如諫果甘休說重尋雞黍約請
從新歲學傳柑

回鶻舞謙齋刺史筵上作

奮袖頓足形突兀高鼻子思意恍惚發聲兜離唱傑佻駭絕番人
舞回鶻唐侈助順徵花門其實狐埋復遭堦百千年後羈縻之云
奉年班瞻日月彼俗衣冠聽便習大度包荒曷敢越強陳百戲娛
太平絃索啞啞頗劣拙我居徼外那觀樂空記公孫舞渾脫露頂
戴炬宛轉俱飲援連臂聲窸率目眇口呿四座嘻來睢盱兮去飄
忽金尊銀燭旭升樓酒闌客散恣清遊歸夢趙家雙姊妹彈鬢鳴

玉費纏頭

窗間雀

窗間雀翺飛鳴且啄倉閉無滯穗地凍少糴粕惟有踈糲乾粥漿
聊復充腸如大嚼君不見籠中白翎架上鷹日供飲啖頗不薄嗟
爾胡爲甘忍飢况殊遭斥困藜藿窗間雀何不飛去生處樂

夜聞洞簫

缺月欲墮霜氣淒街鼓不鳴凍雀棲客子擁被驚晨鷄乃是參差
吹隣西耳根忽爽意轉迷嗚嗚哀怨高復低君有何事訴慘悽得
毋銜枉來月氏又似萬里征人妻縫衣寄遠清宵啼曲終掩抑無
端倪如登隴坂危難躋使我悵悵悲分攜斷猿戍雁迴山谿勸君
勿復聲酸嘶銅絃鐵板歌白題

欣遇齋詩集卷十

二

遙送使相孫補山先生自蜀還

雲散蜀山尖花深馬首瞻謳歌諸道惜將相一身兼席向綸扉
設星從益部占前旌趨陝洛後乘擁韜鈴當宁思良弼邦人仰
繡檐西招蠻觸化東閣禮文添應贊

重華治休教候騎淹鄭公原僕射杜叟况幽潛往昔臨炎嶠追隨
識紫髯通家寬節日答柬媿勞謙十載鴻飛絕三秋虎帳嚴早聞
移棨戟常願洽堂廉函夏蒼黎躐窮荒雨露霑春宵知待漏可憶
舊閭閻

聽友人述成都山水之勝

懸崖作棧平若掌上接飛雲下猿響攢峰凝黛水按藍競秀爭流
互雄長遙天一綫豁然開綺陌鱗鱗皆沃壤錦官自昔號花城樹
色村烟颯蕭爽百花潭北萬里橋人在琉璃蒙翠幌東踰巴峽西
控秦蠶叢魚鳧安可仿惠陵草木尙風烟莫話降王助悲愴我生
足跡半天下充豫荆揚及黔廣山川佳境頗見之廿載追思殊惘
恍今來塞外亦壯觀亂水童山走魍魎聽君僕指說勝蹟蜀道非
難增慨慷他年縱許浣花遊衰謝何緣更尋訪不如津淀且逍遙
歸去猶堪松石賞

遣懷

雪霽山青弱柳紅故教閨月占春工抱疴方信羈人賤覽古從知
欣遇齋詩集卷十
世事空負俠狂遊輪牖下澹交耐久是杯中江淹老去才將盡筆
力猶彎六石弓

漢柏行

曩遊西嶽廟見漢柏欲作詩紀之不果茲乃緬思追賦殊
不足形容萬一也

濕雲嵌日重靈霽闕殿陰森鬱松檜竦然喜見古丈夫正氣昂藏
突儕輩枝榦連蜷根蹙石奇章拗理互顯晦老葉扶踈疑不搖兩
株磅礴澹相對龍爪之而鳳翼鸞雨蝕風掀有餘態羸秦封爵詎
足論雍時青牛亦憤憤面臨華嶽靈爽憑呼吸雲烟得其最二千
年後神更全有如耆叟半駘背作詩比象難爲言夏鼎商彝庶可

配低徊再拜不能去仰視星河光爛碎

是夕宿岳廟僧舍

早起

月落萬山低西荒更有西可堪慵佩劍

一作幾時容脫劍

何處好聞鷄一作

頻歲罷聞鷄

戍鼓漁陽慘軍書幕府題從公雖自適高枕憶林棲

送實夫太守還鎮西

鎮西此去踰千里烏壘來遊倏四旬數喜青衫陪泥飲又看紅旆
擁征輪亂山晴雪人如玉古驛春風夢似塵到日應知公府靜譜
花箋烏寄魚鱗

幕府書懷

適館真忘客狂吟獨上臺雪雲天外合梅柳笛中催圭玷終何用

欣遇齋詩集卷十

四

桐焦尙取材百年生事盡長劍好歸來

斗正文文見山昏地氣升忽驚春慘淡始覺歲飛騰灑淚和蕃女

無言入定僧是非都不管癡絕凍蒼蠅

術者休談命災原召福門黑貂懷友誼

丹詔荷

君恩有子書能讀無才齒亦尊所期綿世德漂轉信乾坤

雁來書到否辛苦惜年年弟妹知仍在蓬茅莫屢遷辭官慙我後

勵志休人先尙許窮能壽鋤花種芋田

漫成

曉睡如中酒春寒可讀書登山頻送別臨鏡渺愁余樞馬嘶猶壯

籠禽翅不梳故園人罕到休說信音疎

龍脊茶歌柬雨樵

龍脊茶乃是迎風含露欲雨之菁華昔聞鬻雲從龍小蒼壁元豐至今人盡誇山谷長吟偶然識何況千年安可得我思龍鱗難逆矧其脊脊上鋒稜斂津液莫問山巔與水涯妙處如詩不拘格此茶產之五嶺西龍團月團無品題古人試茶愛烹煮塵飛玉碾辜柔荑我非陸鴻漸亦非玉川子但知茶能解渴醒睡奚必佳請贈先生辨其理

二月初六夜

疎鐘微出寺愁對月娟娟體弱嫌裘重宵深勸僕眠銅荷挑燭淚玉尺研雲箋消得閒中味休叅戒定禪

欣遇齋詩集卷十

五

贈歌童

楚楚腰肢嫋嫋聲依然掌上見雲英采蓮多少吳宮曲莫遣尊前唱渭城

却寄效飛卿體

曉霧濃如雨穿林拂檻過美人隔烟水相望渺風波舊恨拋一作拈袞帶新粧覆額羅春光空自老凝怨抱雲和

十二夜月

月向望前明無雲麗太清不眠添酒渴獨立引鄉情旗閃將軍幟笳吹突騎營空知天漢近誰見斗槎橫

君馬黃送謝繩園還南海

君馬黃我馬黑君粵東我薊北君作宦我亦仕君被謫我亦止與
君非同生又不相株連升沈乃一致此理難問天瓜期促君先歸
保性命弛疆鞬我旋當改歲流光忍須臾臨別可奈何送子以賤
軀君還家縱其馬牛耕田豕牧野隨時且行樂往事奚必言補過
君子德書紳矢弗諼勸君莫思我我自能忘憂下馬一執手上馬
休回頭

春夜月

吾聞春月令人喜閨閣雋談差可矣雲鬢玉臂向蟾光共酌金尊
泛綠蟻征夫遠戍當清宵耳目抑塞心旌搖舉頭忽見明月上花
香人影皆蕭條月非有異隨所觸尋樂休分人與獨君不見豪家
對月怯露濃洞房夜夜陪銀燭

芳樹 樂府

芳樹生庭階流陰覆綺疏猶恐白日晚結實爲君娛霜飈一剪伐
封植將焉如

門有車馬客 樂府

門有車馬客云是燕趙徒峩冠紆佩劍衣服麗且都升堂一執手
瞠目鼓嚨胡對面不相識問客來何須良久辨音聲熟視長嗟吁
客誠豪俠士揮金游江湖別時猶少年鬢鬢今有鬚往事置勿陳
爲君起行沽酒酣氣益振志欲隘八區感子綢繆意訪我荆棘廬

語罷歛復去耳語立踟躕長繩縱繫日未若徑寸珠

陌上桑

樂府

起拂綠綺琴彈作陌上桑小絃旣掩抑大絃多軒昂絃急疑欲絕
藁砧遊何方蓬首忍膏沐四序驚流光春風吹夢去彷彿川無梁
折麻那得寄采綠徒盈筐日月會有時多露不可行夫子戀舊恩
石闕甘自傷賤妾固已矣那復知葉黃

東門行

樂府

人生本無別孰貽憂患端無食方知飢無衣方苦寒丈夫不自保
畀彼戎與蠻秋英熏墜露危石號驚湍何不日鼓瑟悔往徒汎瀾
漫興二首

欣遇齋詩集卷十

七

隱几垂簾日半斜呼童洗研自烹茶如今懶作長楊賦留得閒情
寫落花

出山人羨入山人歸去重來總一身始信登山山不見何如山外
看山真

歸田樂二首

穉子歡呼問阿翁青衫偏稱醉顏紅到門鶴影翻斜日並舍書聲
集遠風早識棲心惟把釣莫因待蔭始栽桐求名錯擬終南徑名
在簞瓢陋巷中

豈少移官趨鼠穴且須投筆紀龜沙不妨年富先稱老未許家貧
苦學奢小閣尙明垂燼燭東風仍禁欲開花昨朝領取歸田樂嫩

綠秧針刺水斜

感述

人生無百歲日在憂患中山居防虎蛇水處愁蛟龍老則飽蟣蟲
死亦攢蟻蟲寒暑兼燥濕百病環相攻諸善幸未及苦較嗇與豐
少壯能幾時宛若雞皮翁神仙不易學爵祿鮮令終何如花下醉
問事且耳聾

月

月豈知離別看君便憶歸向風邊馬咽失侶夜烏飛香閣停金翦
沙場冷鐵衣音塵何日共惆悵謝元暉

反公無渡河

樂府

欣遇齋詩集卷十

八

人皆渡河曷不渡河不渡而死公其謂何

雉子斑

樂府

雉子斑兮襪襪思佳人兮夢見之攜手促駕兮要同歸回睇雉子
兮雄隨雌

日月

樂府

尸居碌碌晝餐夕宿視彼日月旋機運軸

懷趙季迂叅軍

興武

趙子官雖卑讜論異儕俗懷才欲壯行耻竊五斗祿可憐飢欲死
抱潔不肯濁常愧臣節撓外榮終內辱以茲甘下僚默塞等槁木
平生愛讀書插架三萬軸抱迂如佩玆受侮任凡目誰知簿領賢

絕勝州郡牧嶺南瘴癘地
晬面照紅玉題詩貝葉翻
燕客荔支熟別來想無恙
馳思仗雞卜夢見高臥時
風戛北窗竹

懷鄭堇塘明府

家屏

大賢舉筦庫千古稱和人
薦拔苟至公披豁敢愛身
往年初識面畧敘里閭親
英氣歛逾溢妙語殊恂恂
幾載復握手益驚文雅馴

往還窮日夕知我作官貧
索書羅蠶紙倒篋貽蒼珉

贈余端研

追餞珠

江澗含涕意未申驚飈驅白日塞草色屢新緘
書那得寄弱水徒

粼粼昨訝簷鵲噪今見除目真陽江峙絕島波浸雙魚闥

雙魚海濱要汛

築城屯兵鼠盜不足滅案牘無留塵公暇富著作篆籀當自珍

君善上隸書

堂侍綸翟入室娛麒麟

昔別時公尙無子今得佳兒

通才政必達豈在夸冠紳

欣遇齋詩集卷十

九

君善未易殫吾衰勿復陳
乞養計亦得無爲據要津

太夫人齒邁嘗以爲念

懷韓桂舲觀察

詩

駑馬逐騏驥喘汗空騰驤翠羽雖累百不如一鳳皇
人生感意氣名位忘低昂投分非諂賣謬倚青雲傍
伊余縮墨綬公乃被繡裳書生易得罪小疥致潰瘍
公時欲力諍白日飛嚴霜固知焚巢戚遂使池魚殃
我斥公亦去萬里遙相望賤子別三年鬱鬱迴剛腸

少陵句

逃聞居聖室近已逾大祥他時再柄用鴛鴦參翱翔而我獨

佗僚矯首視彼蒼向來嬾作札矧此占歸藏

鷗笑篇

夜夢羣鷗向余笑往歲挂冠計殊妙撥置妻子歸田園胡不抽身

舌猶掉因循一載欲何爲
日日湖邊眇仙棹
昨逢塞鴈傳書來
云在窮荒影相弔
君應戀我我思君
萬里雲烟籠夕照
需者事賊斷乃成君
真俗儒不可療
千古賢豪墮半途
憾君諒君徒坐嘯
春江綠淨沙草平
處處忘機看漁釣
君但能來肯爭席
差勝豹虎怵跳叫咄哉
仙骨當耐貧鷓鷯
虛名莫同調

寒食日作

戲蝶輕鷗帶渚花
扁舟杜老望京華
春風無主還吹雪
遷客何心更問家
深巷賣餠披曉霧
青郊上塚簇香車
只今追憶韶光好
倚杖柴門數暮鴉

同人小集問花草堂

欣遇齋詩集卷十

十

七人四百三十四
我最年少五十二
入筵雜坐忘後先
此時尙齒不以位
絕少豐膳非故慳
咄嗟立辦等游戲
窮荒尋樂烏能拘
免却獻酬客自醉
我來差晚更有人
但冀同歸偶然遂
兩年目送四喪還
老去韶華益浮脆
如何不飲令心哀
少陵句放浪形骸天所賜
黃昏月出雪山白
光照斗室炭初熾
燈前笑舞且高歌
衆賓旣散吾亦睡

午睡詩

性嫌晝寢直到老
世俗競稱養神好
誰知談飲夜不眠
日出衣冠猶草草
彼所謂佳吾不然
明動晦休理顛倒
古人養神貴養心
清氣常存宜壽考
百工居肆農力田
壯盛何曾見枯槁
法天行健智

慧生旰食君王事探討總緣少年易驕惰妄學遽遽解煩惱寸陰可惜知不知莫向枕中覓鴻寶

讀蘭泉觀察

福慶

詩冊因題卷末

峻也哦詩遊荆揚佳句往往墜渺茫竭來從軍趨新疆短衣窄袖佩錦囊西逾關隴連河湟長篇小什五百強未免蛭螾龍宮藏那因韋布嗤冠裳讀公盛製掃粃糠如瓶瀉水聲琅琅錯落珠琲隨圓方縱橫雲物咸成章非徒聲偶諧宮商欲躋漢魏早齊梁伊余失學性頗狂牛腰卷軸三十霜自謂塗軌驅康莊宋粗元弱宗三唐譬彼箏笛雖激昂要遜琴瑟聲音長氣真格壯森光芒豈在排比矜鋪張發情止義抑且揚神全迹象都可忘何當與君參翱翔日吟百韻傾千觴大言不慙心皇皇吁嗟河伯今望洋

欣遇齋詩集卷十

七

向夕

亂山推月上荒樹待禽歸縱有琴書散其如風土非健忘頻問僕畏冷自添衣乍聽征鴻響知從薊苑歸

望月

三旬見月止十日雨霾雲妬半相失增華揚彩能幾時何可高眠嬾不出我愛佳月如好友披肝照膽真耐久不須覓影成三人且復開顏傾一斗生平浪迹遊江湖坐攬天地歸水壺盪胸清氣雙目朗祛愁助樂勝智珠只今戎幕嗟趨趨賴有此君差免俗鷓絃聲歇蓮漏遲笑共嫦娥抱寒玉

贈王懋齋明府

光陸

十日一見面匝月或共嘯真能道義交豈以形骸格我求君必應
君善我最樂同客已三年終始無厚薄誠哉志氣宇遂以兒女託
鄙懷愧斷斷正言感諤諤種瓜依東陵隱几羨南郭聊學蜚蛇行
莫信混沌鑿踏雪車師城草檄青油幙他年攜手歸相從理芑屨

寄方伯張松園先生

別緒縈絲不可論殊方囓雪總銜

恩幾年叨設彭宣座萬里空瞻魏國門備養慈親虛象服分符介
弟愴鴿原

公弟信州太守亦歿

濤聲小閣愁如許未敢題牋寄淚痕

送陳菴溪觀察

庭學

歸北平

欣遇齋詩集卷十

三

寸心有如日四海何非天達士不言命耻爲孺婦憐乍散還復聚
游絲隨風牽觀化久乃適止水鯢桓淵堂堂陳觀察本是香案仙
屈居二千石訪古來西偏孰知走伊犁回首指先零出使逾十載
歸結翰墨緣鬱鬱青桐樹丹鳳巢其顛齋淪百丈渦烟霧蛟龍纏
明德必復始哲嗣爭騰騫借公脩月斧爲搗十萬牋采菊持作釀
列炬燒金蓮簪綬公自有杖履娛高年涼飈吹薊苑霜紅郭外田
縹馬視衡宇琴劍猶在懸彈琴山鳥下舞劍青虹旋大笑語同輩
萬事信偶然

邱靜齋赴乍浦巡檢任

催花雨歇亂啼鶯白舫烟波一葉橫共說吳興春澹冶恰宜官長

政和平不妨畫筆隨吟卷絕勝秦關隔漢營湖海舊遊成昨夢送
君張觸別離情

璧月蘭風不世情兩年相見亞夫營笑談橘柚生南國慰藉琴書
戀北平捧檄忽看征鴈遠銜杯無那雪山橫前期努力休思我慳
馬何如出谷鶯

和實夫太守遣懷韻

任教日月美雙丸書怯頻澆飯可攤卷幔爲憐聽燕語尋僧那解
說心安五溪消息懸軍遠百粵烟花入夢難慙愧使君懷下士庾
樓燈雪記同看

送房文學

實善

歸津門

欣遇齋詩集卷十

三

鄉山紅葉待君看歸去方思行路難羌笛塞鴻酬歲月駝羹湏酒
報平安丁年佩劍休相憶丙舍扶犁強自寬試浣塵衣兼濯足從
今那復夢邯鄲

我亦窮荒學荷戈身輕無奈遠遊何小時擁鼻誇蓬矢老去驚心
感逆波笑說營平屯戊己癡從博望譜摩訶瓜期已覺三年久執
手憐君廿載多

謙齋刺史招飲新堂和韻

遂有超然作新堂此日添疎花斜抱石高柳密遮簷聽鳥時憑檻
留香不捲簾書聲與琴韻并向夢中恬

露坐

雪嶺宵疑晝蟲聲夏變秋占星天勢濶感事客心浮昔伴乘軒鶴
今隨汎水鷗題書煩驛使計日過梁州

近寄家問

移居五首

屋旣非我有小憩奚必安昨玩庭前柳今采砌下蘭譬如我已去
他人仍盤桓且復寄朝夕塵澁琴罷彈

昔與馬南郡

敬堂

筆研窮雕鐫別來條兩載亭榭猶宛然壯懷輕萬

里屈首陋一廛君歸我獨樂舊榻蛛絲懸

靈山對戶牖青天抱四周登高望北極出沒寒雲浮向暮百鳥喧
知我此意不與君聊倡和勿復悲詩囚

青燈耿四壁相伴惟奚奴戒懶且自課拈韻還提壺心空愜真樂

欣遇齋詩集卷十

古

何事尋團蒲風林響終夕歸夢搖江湖

階石旣穿溜古木或多瘦莫云成棄材窪尊而畫餅稍嫌肢體惰
頗覺應對省感此邱壑佳吾生本蛙黷

幽境

過雨泉聲活舍風樹影低飛花隨客散遠嶂與簷齊掃徑容春草
移牀避燕泥可憐幽境好偏在玉關西

舊居

問訊江邊舊隱居草荒幽徑未須鋤習飛燕子常依桁勸讀鱗魚
故繞書花影半牀朝夢後琴心三疊晚涼初不知何事輕拋却久

向黃塵策蹇驢

偶述

擊火然明燈燼火亦息何來復何去問火火不識生趣盡耽理
道妙散瓦礫虛已世可遊萬化總歸一

重來四首

重來良友去

謂馬敬堂

幕府寂何如罷草平戎策聊飛賀客書佐餐憑

藥餌引夢羨鱸魚欲續閒居賦傷心說板輿

丹陵已五年矣

縱解南州榻難開北海尊竄身惟皂帽養拙尙朱門往事雲烟滅

新愁耳目昏佇聞

寬大詔霑灑遍乾坤

強覓蒲團趣原非祇樹林旅懷隨斷鴈秋意入疎砧鏡掩忘衰髻

欣遇齋詩集卷十

五

遭凋見苦心早年思寄傲失笑信浮沈

異俗何須怪流光暗自驚命危全直道慮澹謝浮名開府猶參諾

苗民想罷征腐儒慙補報歸去事躬耕

別蒨溪後悵然有感

幾度紅山送客過獨因君去感如何心隨匹馬寒沙遠夢伴郵亭

落葉多好聽簷前烏鵲喜何煩窗下屢屢歌黃花九日歡家慶遙

指飛鴻出罽羅

苦熱行

火龍欲掃陰山雪怒捲炎颺氣酷烈日草半萎渠漸枯萬井生塵
瓦疑裂口焦飲水如蜜汁搖筆腕脫不能歇誰道天山五月寒怕

讀岑詩西海熱祝融勸爾且復休傳聞八月披重裘我本傲骨堪
耐冷不妨看雪登城樓前年入月雪

默坐

默坐觀衆妙高懷思陶唐已能學無言所欠未健忘不飲林檎酒
塞外蜜林檎酒甜膩近俗時蒸地臘香即馬努又名達子參棗之有香披衣風滿襟愛此新秋

涼

紀事

乙卯之歲夏六月

詔書一夜飛金闕罷歸戍役千餘人瑞應甘霖消旱暵是夕雨昨日

悲思今日樂不用邊城宵擊柝笑呼火伴傾春醪急辦行裝理衣

欣遇齋詩集卷十

六

屨亦有久寓數十春買田縛屋長子孫豈不懷歸計未決付託隣

里終銜

恩自闢新疆越三紀大城小堡列廛市居然樂土易經營出塞謀食者歲

以數千計民悅忘勞知所止

法宮清慮軫草莽赦罪重教家室聚從茲塞下少征人陋彼關中

遷富戶我亦執爨猶限年瓜期不遠行歸田願聞商憲愛民詩

曠典施無外落日雲山眼欲穿無言漁父未與念不增特寄

雜詩

瀚然雲氣集隨風倏飄搖卑者遏川埃高或升山椒問雲初不知

風亦何所驕高卑休各競頃刻皆潛消只恐重雲根本燭骨

賓筵歡較射意氣殊軒昂能者侈貫蝨劣亦誇穿楊彎弓未及半
絃絕拇指傷衆夫莫號呶此翁神不揚

膏梁患不佳醜醜憎不旨一箸十萬錢自謂長享此昨聞丁與章
竄身寄儋耳胡餅聊充飢那覓錯著水

百卉誰所迫獻媚矜陽春日月非自照助彼耕織人飾智明易蔽
主一心常伸抱甕雖搨搨涓滴成通津

昨見不材木自謂老壽全樵子斧作炊曲突騰青烟與稱曳尾龜
何若閉口蟬彭殤無兩致徒爲後世憐

流螢傲明月小草靡惠風奮力能幾何委蛇全其躬涉世貴無我
要道惟執中達權未易言咄咄長樂翁

欣遇齋詩集卷十

送燕

塞外燕子社前卽歸笑謂友人曰此不待社者時方望赦不覺絕倒

回首香泥浣落花梁間秋到便還家爲君故故重簾捲別我匆匆
瘦影斜但訪賓鴻應識路那愁荒塞只聞笳燕山對雪知安穩莫
羨春風枉自嗟

博克達山歌

五岳之外此獨尊崇岡虧蔽藏朝暎亘三百里高萬丈勢傾西極
排昆侖支峰蔓壑各有態如龜昂首如猿蹲又如浮漚互粘結蒼
然一氣相吐吞羌無栢栢鬱拱衛饒有雲霧時留屯傳聞嶺脊涌
神漢天池倒瀉琉璃盆終古積雪光慘淡疑驅鬼物環而奔山趾
泥淖困登涉觀者錯愕迴輪轅佛祖寂靜成道果相傳釋迦成佛此山肯容

建利喧緇髡

山故無寺

中原曠邈自雄長屹然作鎮當諸蕃

朝廷封秩展祀典春秋柴望馨蘋蘩我來幾載澹相對山靈恍惚

昭吾惛持比醫閭豁鄉思晨夕百變臨衡門丹青既拙吟亦劣何

由繪贊誇乾坤心馳目賞不可極邊風歛卷塵沙昏

送郭松溪

維垣

旋山西

昔爲遷客今歸客若見同鄉說異鄉嘉峪關前無碧草鞏寧城畔
有明霜久餐餽飢心猶戀漫捲詩書喜欲狂上黨名山天下脊他
年訪爾過羊腸

柬郭明府

賈

天涯尙有天倫樂

公攜幼子來成

每過君齋意倍親簫鼓聲中娛晚歲衣

欣遇齋詩集卷十

六

冠隊裏見遺民談心莫憶窮愁事飲酒須尋磊落人復旦光華今
再遇萬方同詠太平春

送彭東墅別駕旋里

君先我來當先去把袖繫駒留不住春風解事散寒威如玉山川
慰征路嗟君半刺將六旬猶作投荒出塞人
恩賜還鄉抱孫子閉門應勿淹風塵我家與君纔數舍好辦雞豚
醉秋社尺書欲寄且復休夢逐中車向清夜

登臺

遙山低讓日光來照見羈人獨上臺沙積雪消叢樹出戍樓風急
凍旗開從軍漫倚青油幕遣興惟憑白玉杯幾許征軺歸未得脊

令原上費徘徊

時得家
弟書

謙齋刺史致仕旋京詩以送之

迢遞龍沙接鳳城，真看公去雪山輕。
迴思羈客三年話，難逐朱旛
萬里行華嶽。雲隨征旆緩，長安霜拂翠裘明。
午橋杖策尋詩處，應
記輪臺折柳情。

欣遇齋詩集卷十

九

欣遇齋塞外詩鈔

天津 沈 峻 丹厓

閱耕集

丙辰

隨麗川節使

奇豐額

赴庫屯口占

雪積漫漫路欲迷 征衫如繡浣春泥 此身恰似初三月 不向東升

却挂西

二月初三日到

諸君日夕數歸期 小別匆匆未是癡 且復更行千里外 篋中添得

庫屯詩

安濟海

遠村相對出仄路 一彎平歸鳥落寒影 夕陽開晚晴 人閒鄉思切

欣遇齋詩集卷十一

一

春暖客衣輕 山店欲投宿 斷鐘三兩聲

庫爾喀喇烏蘇呈麗川節使

沿湖百里樹蒼蒼 拱衛嚴城劃大荒 西控伊犁勞饋餉 北連雅爾

健牛羊

距雅爾巴哈臺二百餘里

時清吹笛邊聲靜 政簡裁詩燕寢香 人望來

遊歌杖杜漢臣未肯薄淮陽

附和作

雪盡南山野樹蒼 春風隨我到遐荒 參軍解意呈村釀

過輪臺日

龍雨樵惠

降虜希恩獻羯羊 覓句步殘三徑月 折花搖碎半

林香愛君詩好 章章錄紙貴 何妨似洛陽

和麗川節使署居韻

城小何勞闢四門

城西門久塞

公庭永日萬春温千倉已造黔黎命一

箭能消頡利魂偶向龍沙開玉帳還思鴈塔倒金罇行藏有定原

無定長奉心香答

至尊

庫屯寄雨樵

荒山崩劣水齋淪比似輪臺一樣春乍別更思同笑語將歸先遣

試風塵衙參罷聽應官鼓韻事偏逢授簡人

與節使倡和

鴻爪雪泥都

是幻漫勞尺素寄魚鱗

緇化如今不浣塵每愁花樣易翻新閨娥消日惟挑錦山鳥投籠

且狎人久死伯陽猶比壽求仁原憲不知貧他時命駕同歸去莫

欣遇齋詩集卷十一

二

聽悲笳更愴神

漫興

幾日重裘換袷衣輕裝帶得塞雲歸辭家已慣忘遲暮涉世難諧

孰是非娛老農桑終未學決疑龜筮亦多違眼前得住爲佳耳夢

食芝英不療飢

黃面瞿曇不解禪無遮國裏任安眠語忘世味非求異筆帶春光

欲放顛鼓瑟屢爲門下客

宜都護書節使邀掌記室

食魚休挂杖頭錢年來合

眼風流夢蕩姐姐

繪西域國名見漢書

有夙緣

四年沉醉過清明辛苦題名走十城著柳始憐風有態窺窗忍見

月多情何煩利口談三耳且喜抽身學兩生吹萬不同天籟一斷

無人厭讀書聲

莊老何曾一死生強分得失未忘情境如入夢頻頻換事到無心
往往成漆室空勞憂社稷鰥生偏欲慢公卿世間最好家常話山
不求高水愛平

十年小別休回首萬里狂遊未到天誰耐丁寧語婢子略同狡獪
學神仙一枝筆寫花千樣雙眼光收月九邊遷史外夷終耳食當
初何不問張鸞

花朝

四度春光何處尋閉門懶出畏寒侵荒天日薄山無色老木風多
鳥不吟馬踏冰河聲窸窣柴燒土銼氣蕭森一年強半秋冬候不
爲無花感客心

欣遇齋詩集卷十一

三

與麗川節使夜話偶述

仙家豈爲昇天計佛國能容住世人了却是非還剩我一輪明月
總隨身

平生所欠惟耕鑿到處山川別有村雞犬聲中堪賽社莫憑漁父

問桃源

山水小冊

秋靜山突兀天遠雲莽蒼不見小橋橫但聞流水響

雪壓老屋低疎林凍如蛸借問擁書人梅花已開未

花明知有村岬斷忽無路莫認小桃源漁翁又來住

笛聲不可畫一片高城月煙外有遙山隱隱孤鴻沒

放言

長日亦已昏登牀月在牖開眼欲起坐困倦仍枕手佳夢竟何之
欣然挹北斗羣仙笑迎問量窄能飲否答云平生志且可傾盞
醉舞落冠幘侍女驚掩口飈車不及駕跣足繞階走醒後舌猶香
惜未問誰某

養生如治兵終始戒勿懈誓師卜敬勝輕敵識驕敗倉公望色驚
彼乃謂無害疥癬患雖小諱之禍亦大金丹果通靈延年人安在
猛虎搏人食不自知凶暴長嘯來腥風天若助其好云何落陷阱
弭耳向人告亟殺勿援手反噬以相報山澤多蛇蟲林箐足豺豹

欣遇齋詩集卷十一

四

此輩善磨牙勸君莫高蹈

豪富昧菽粟村農駭縑帛婦孺憐山川書生怯騎射少見多所怪
此理勿深責取材用其長求十反漏百生世原客遊莫與夫爭宅
我本爲天傭定肯分半席

古人不求祿祿在言行中今人苦言祿祿止榮其躬古重選舉法
衆好或未公降爲試經藝兀兀窮雕蟲言麗鮮心得勦說而雷同
何況行不副如以莛扣鐘治身而治人詔精非易蒙力耕賦什一
吾願師老農

共工頭觸山女媧手補天此身殆萬丈死葬百頃田骨節猶專車
誰能與比肩爾時幸人少已塞宇宙偏上帝頗厭之採土如飛煙

墜地爲衆庶五尺乃秩然立功贊化育扶世稱聖賢始知古人拙
貽笑齊諧篇

送明將軍赴湖南征苗

五溪春色明戈鋌逆苗未滅勞文淵分兵固弱聚亦偏老師糜餉
幾二年長蛇盤曲形蜿蜒擊首掉尾紛糾纏審扼要害勿使前據
險設伏角力專焚巢搗穴攻中堅殲斷臂指毋鉤連困獸猶鬪蟻
附羶勦撫並用參經權已破鴨保獲半天東奔西突仍俄延谿訝
林箐難裹毘毒霧苦流行相牽主帥一怒神赫然飛章夜奏來甘
泉詔起虎將重臨邊蹴踏萬馬趨龍編出奇制勝地利便驅猿
入檻魚在筌擊鼓欲裂蝥弧寒白日失色刀光旋礮車一發千崖
穿生擒逆首且莫懸血漬草樹如花妍梟勇未息猶張拳婦豎傷
億形不全脅從罔治當垂憐將軍昔者平金川先聲膽落風雷宣
悔不早用廉頗賢

欣遇齋詩集卷十一

五

廟謨有策非言傳此事不比珠厓捐弄兵赤子誠狂顛豈同克敵
于新田畏威懷德交勉旃嗟爾蠢苗倚楚奸掃除稂莠惡庶俊祝
公洗甲綏黔滇更千萬載無烽煙土流雜作均布錢左餐右粥知
隨肩老矣強起

帝命虔弟兄許國鐘夔鑄六月出師歲暮還藁街獻馘馳金鞭采
薇願代壺漿先鐃歌行繼驪歌篇

麗川節使葺治書齋分蔬植卉因作

柳外鳴鶯雨後暮小軒幽課總相宜鳥能催句穿衣桁犬亦防花
卧竹籬未老鄴侯非好道無愁左相不銜厄知公築室如爲政留
作他年去後思

曉起卽事

夜雨眠不知翻怪青苔濕拜樹乞花開垂簾拒蜂入風定氣尚寒
山愁頭半白無語學參禪坐暖松間石

寄同年曹紫泉

召南

倣子建贈白馬王體

時分發山西試用知縣

我歌猛虎吟君歌獨漉篇談虎色輒變漉水清可憐古樂聽欲卧
不能廢管絃古道行雖泥不能黜聖賢讀書務經濟今乃知不然
上官須善事好官多得錢高足據要津治譜此秘傳識時爲俊傑

欣遇齋詩集卷十一

六

大抵先自全

自全亦非竒能諂者必驕裘馬何奕奕潤步華纓影乞哀奚必夜
屈膝勝桔槔但聞物產豐豈計民俗凋飽或厭肥醲愁當擁嬌嬈
賢聲可貨取攘獮防同寮妄謂遷秩宜屈指登青霄誰知春花開
已覺風蕭蕭

蕭蕭馬鳴急徒御趨太行太行亘千里豁然枕晉陽路逢負販人
問君來何方答云試爲合力微慚保障再拜獻芻蕘敝邑無貪狼
上言勤撫字下言課農桑勉副百里侯勿恃七品郎頌詛公自辨
請起歌滄浪

滄浪在何許各自東西流與君爲婚姻嚶鳴亦相求我肯仕南海

君乃客淞州及余貶塞外捧檄君鳴騶小別忽十載雲散青天愁
我歸欲訪子搔首還復休敗軍不言勇聊可鋤春疇我如嫗識字
又若蟲矜秋杼懷述今古努力敦前修明明看列宿何用增離憂

新疆樂

樂府

新疆在何許乃在陰山西朝看健兒來暮聞邊馬嘶一解春無雷夏

猶雪南北十六城蕃回各各語鳩舌二解牛羊肥菽麥賤馬漣酒甘

久則味變外人弗知謂食不下咽三解設官駐兵賞重役輕強半墾

田屯積穀歲久乃化爲蟲蟲四解淘河獻白玉鑿礦求黃金年年運

餉百餘萬以彼易此非其心五解土爾扈特厄魯特生齒雖繁焰已

息年班入貢望顏色莫使蠡蠆生羽翼六解訟耶獄耶絕矢束耶將

欣遇齋詩集卷十一

七

軍掩閣坐小吏叩頭賀七解汝輩守法長子孫或許種公田新疆信

樂土不如釋綸屏觀風鳶八解末二句福清相國葉臺山語

山水枕屏

夢魂恐飛去圍以山水障人羨足卧遊此意未能諒賤子走天下
境過輒怛悵登山畏饞虎掉艇駭噩浪差喜數間屋依樹容植杖
適已福可求越分念皆妄添箇短轅車著我坐其上平疇春閱耕
秋社晚聞唱重爲田舍翁遊釣恕無狀畫形易神難天趣非意匠
翻身入屏中蓬門欣在望

說詩

淑世不妨勤學步吟詩未許苦隨人掃除依傍存生趣杜老香山

見識真

人云香山詩易學不知鍛鍊之功與浣花無異

春水浮船力挽弓文章蓄極始能通瓦盆種樹階攢石可有擎天氣概雄

新聲柔渙也堪謳雞跖終難列庶飪漫道國風原好色先從雅正辨溫柔

覓句看山呼吸通山川瑣碎總沙蟲生來仙骨能輕舉不是還丹鍊氣功
無聲滿腹盡笙簧譜出悲歡卽戲場我不求新偏覺好攢眉嘔血
太郎當

有餽俄羅斯菸葉者作詩誌之

欣遇齋詩集卷十一

八

菸本產西海葉薄如秋菘層層剝更長暴乾色黃中性韌可縷切氣烈受火攻盛以鹿皮囊吸以紫竹筒勝朝萬厯年互市華夷通初惟奉長老餘波及兒童嗟爾不療飢又非治病癘徒能作屨市何苦糜青銅解睡或禦寒強策分寸功似聞俄羅斯地阜人物豐呼龍種瑤草此物將毋同牝牡主戰控嚙喪師悲沙蟲旣補七載貢仍獻五百童
戴西域聞見錄人命賤蒿艾那得勤耕農爾菸藏何處荒谷熏天風此好良不解厥弊何時終且復代飲酒微醉蒼顏紅

口占寄雨樵

不送春光賤送秋一分夢醒三分愁垂楊也解離人意遮卻青山罷倚樓

生憎鄉信說寒溫
劃徧闌干記爪痕
只道江湖游也得
不曾想到有兒孫

狂來略似花間蝶
靜極還如臂上鷹
蝶自尋春鷹待掣
請公判斷

水和冰

將軍計日返輪臺
永都議已出都好逐中丞後
乘來擬隨麗川節使還烏嚕木齊角酒

分箋渾細事
心花須傍管絃開

寄懷許春巖方伯 祖京

五年坐鎮越王城
為善從來不近名
訶子林中書梵夾
木棉花下

勸春耕羅浮山
讓浮雲志清遠
溪如遠俗情惆悵
曳裾承教晚反

勞垂淚送初明
余罷職西行公惋惜贈賦

欣遇齋詩集卷十一

九

泉星退舍湧冰輪
畫出先生面目真
顧盼一過丞相府
起居八座

太夫人 用成句 棋逢好友輸還喜
詩和佳兒語更新
如此蕃宣能有

幾肯教玉樹久風塵

雙槩搖波彩旆低
拜章奉母浙江西
庭難旋馬容招鶴樓罷
吹簫

好聽雞白雪清詞
留館閣黑頭餘事問
鋤犁春暉總為丹葵駐
花

下輕輿未可齊

晚節休誇漢二疏
比公忠孝竟何如
全身豈為藏鳩穩
愛國常憂

叱馭疎家近西湖
閒訪月人來南浦
笑烹魚莫言獨樂非
同樂天

外卿雲自卷舒

半睡

花影橫窗數幾枝半醒半睡起還遲待余枕上吟成後已過田家
飯熟時

和莫愁詩

原作十六生見字阿侯廬家少婦果風流多情便是多愁種那得人間有莫愁

石城女子愛清謳聲入青天月不流金粉樓臺花世界一生常看
別人愁

漢永和碑歌

碑在巴里坤

炎精墮地天爲聾千年誰復征西戎羯奴攘躡作窟穴怕探虎子
驅羆熊伊吾山下吃片褐七十餘字三尺穹永和二年秋八月敦
煌太守裴雲中將兵三千誅呼衍如聞戈戟聲撞衝漢時郡將得
簡閱專征斧鉞諸侯同苟利國家便行事叱咤所向皆成功辱宋

欣遇齋詩集卷十一

十

擅兵乃有罪鼠盜亦復藉聖聰勝敗呼吸豈可待譬彼捕蝗緩愈
凶我思呼韓久朝貢烏珠亦與中國通祁連蒲類各掃蕩長羅奮
武如雷風呼衍殆是小部落白龍堆裏一倮蟲拉枯摧槁誠易爾
何用張翕夸戰鋒此事不載班范史大略私記觀軍容羌人謗劣
不識字斷難贗作如劉公此碑爲劉遊擊摹勒別刊殊不可耐太守好古揚贈我畫
兼隸篆文樸忠真有此事無不可丈夫自命須豪雄久居塞下罕
所獲摩訶歌歇蒲桃空歸裝頗笑陸賈俗且唱得寶來宏農

初九夜月

半面菱花桂一枝幽情剛好欲昏時癡兒莫道靈犀小眇到團圓

易別離

陌上花

見說花開緩緩歸如何花落信來稀君王愛妾如花好肯遣風吹
一片飛

緩緩歸來不爲花春皇留住七香車玉樓翡翠雕梁燕便是無愁
也戀家

歲歲清明陌上過愛他女伴采茶歌儂家姊妹多相妬那及西施
在芎蘿

瓊樹常新璧月明一春紅淚自盈盈錢王才子英雄並七字風流
萬古情

明將軍出師荊州

欣遇齋詩集卷十一

十一

詔緩趨

朝恤近苗楚氛早避令公來淮西未足憂殘孽隴右居然得將才
四面雷鳴窮寇泣九天旗展陣雲開策勲合受躬桓錫卻笑黃金
議築臺

板橋

板橋尚記稱丁卯逸事猶煩志癸辛萬里來看三徑菊五年忽作
兩朝人老僧出定原無夢稚子攀花不解春寄語征南杜開府可
能飛檄縛黃巾

挹璠山館呈麗川節使

曲欄幾折擁花光深柳中間露草堂疎雨能添池面水好風來受

案頭香階攢怪石安棋局窓對遙山置卧牀最是晚涼閒命酒天
容新沐卷霓裳

送麗川節使赴葉爾羌

晴雪千山按轡行天教佳句滿邊城葉河美玉無充佩蔥女清歌
好記名秋館華燈橫一劍蠻村錦帽拜雙旌者番且莫栽花柳載
得蒲桃入

帝京

四千驛路塞雲昏又擁瑤琴獨閉門色變旌旗軍令肅賞頒牢醴
國威尊能將中夏詩書氣散作窮荒雨露恩來暮去思同感泣暫
特別緒未堪論

欣遇齋詩集卷十一

三

輓哈密穆節使

憶追驛使送星軺隔歲俄驚賦大招旅櫬遠歸燕塞月遺書飛寄

楚江潮

公子時赴
湖南軍營

心期馬角桑榆迫事異壺頭謗讟消我尚從軍

難執紼可堪千里助吹簫

八月五日見燕因憶去秋作送燕詩贈文星堂孝廉

辰

北歸

疊前韻

短夢休看塞上花明年汝到我還家交河冰冷菰香歇雪嶺天昏
日影斜此去遲回依故壘爲誰辛苦逐悲笳行藏翻愧能知止搔
首西風一嘆嗟

絕域何曾有異花可憐蕩子不歸家風前莫羨雙飛巧樓上空留

綵縷斜小住許傾秋社酒酣眠懶聽

帝城笳我歌送燕君迎燕料得相逢笑復嗟

雨樵餽酒

日日酣歌答比隣更添雅興見燒春我憑狂藥忘爲客君本醇醪
解醉人送老喜逢閒歲月還家仍是舊精神停杯不飲花應笑孤
負陶潛漉酒巾

草堂數武卽南隣樂過秋冬又到春小戶且嘗新釀酒殊方况遇
故鄉人時時談劇都無忌往往詩成若有神預約消寒傾百榼柴
車風雪不須巾

和蘭泉觀察見贈韻

欣遇齋詩集卷十一

三

雲山寄跡敢稱賢侍坐清談忘後先只爲上卿寬縟禮遂教故吏
得竒緣藥籠此日歸仁傑墨妙何人羨子淵早晚放衙依座右肯
將青鏡悔流年

贈陳昌生明府

世章

未到西天不是遊涼州唱罷接庭州暫依幕府談方略莫怨風沙

裂敝裘

帝德如春勞北望朋儕似水盡東流

公初到成未邀減釋

知君雅有從軍作

且聽重城鼓角秋

客至

枕石臨流未是頑亂頭粗服少塵顏竒書偶讀方知妙佳客頻來

反覺閒掃徑風先驅落葉卷簾童亦愛青山杜蘅香老烟波遠誰
信騷人寄此間

實夫太守招飲

月滿虛廊映玉壺幾番卜夜荷招呼俠腸不肯紫愁緒名士何妨
作酒徒繞徑黃花煙戍削插天青嶂雪糝糊醉中素壁都題偏歸
去蹒跚不要扶

贈王莖峰明府

以中

身健好憑書下酒緣空不解樹生花漸忘臧否知心靜偶憶山林
覺興奢自古徙薪先爛額何人臨水便迴車從今悟得窮通理雨
過雲收月倍華

欣遇齋詩集卷十一

十四

有懷余芝巖

兩世交情萬里身舊時青鬢更如銀勞君對月愁相憶知我無書
懶是真老去醉吟多旅况夢中談笑半陳人相逢預訂來生約往
事模糊莫愴神

題紅山留別圖爲斗菴作

西極有丹鳥飽餐玉山禾下飲星宿海飛舉天四阿各去不相顧
適意無蹉跎丈夫志萬里豈復憂虞羅斗菴年正壯性直才藝多
雙屈將十載雪沒烏皮鞋同人先告別班荆臨坡陀遲速皆當還
壁水終盈科遠峰橫白雲春江蕩綠波西園繪此圖妙手誰得過
離懷不可寫置酒顏微酡我行勞君送君行其奈何

敘

出長安而西笑吾不得而知之矣僕居塞下四稔見似人者輒喜
喜則不免笑笑亦偶然耳今之歸也宜若軒渠開口而仍不獲大
放厥音徒以獨樂故嗟夫吾之獨久矣使皆客吾獨焉何爲阨塞
紆鬱少解頤耶惟吾知吾掩口胡盧請書所得以供大衆一噱嘉
慶二年丁巳五月存圃自敘

敘

通二平十口五日存圃自敘

昔者不預則雅雅音吹音辭口助韻讀書視辭以助大衆一
賦雅音音以雅樂對對夫音之雅入矣音音音音音音音音
音音不效矣笑亦雅然耳今之雅也其音音音音音音音音
音音音音音音音音音音音音音音音音音音音音音音音

欣遇齋塞外詩鈔

天津 沈 峻 丹厓

獨笑集 丁巳

與雨樵同被

命北旋賦此贈別

失喜開箱觀黑裘從今風雪百無憂
天山日淡催征騎渭水花明引釣舟
二載還家仍閏月六年內徙又中秋
也知鹿豕非常聚飽飯殘年莫浪遊

天涯此別漫銷魂共指青衫數酒痕
往事盡能齊得失餘生未免

戀兒孫胡威有絹終承志

公將就養粵中

元亮無田且閉門

僕自謂

悵悵寸

心言不盡任他消息付乾坤

欣遇齋詩集卷十二

留別斗菴

駿馬簇金鞍行人發賀蘭醉知筋力健
吟忘道途寒栗里花應在柯亭笛已殘
欲酬瞻望意飛札報平安

改歲君還旆淮南得少游黑頭餘事業
白社自春秋慈母詢邊景佳兒理釣舟
從今天地濶往事一浮漚

東行途中卽事

小車權當扁舟坐月落空江打槳時
只恐旅愁消不得忍寒擁鼻強尋詩

五更飲馬月當頭亭午星軺旅店休
薄暮擁衾眠不得爲誰辛苦爲誰愁

地形如磨車如蟻萬里盤旋不到邊試問當年章亥步可曾逐日
見虞淵

安西路近陽關界稍喜耕氓二鬴充天憫塞垣飛瑞雪奇臺歲歲
報年豐

伊吾東去道途平天劃沙場第一城柳不成絲花未放曉風殘月

過清明

雲漏踈星暗復明霜風拂面覺寒輕慵騰半睡登車去隱約荒雞

一兩聲

寒擁羊裘戀鹿巾居延城外度殘春家人未解歸心急猶自飛書
眇遠人

欣遇齋詩集卷十二

二

風吹日炙意昏昏仄徑危途曉夕奔畢竟待完車馬債杖藜敲
傍柴門

大泉

山塗因坂險

山高峻處謂之打坂

邊地以泉名

如一碗泉勒巴泉三個泉之類

野飯三家市

耕屯幾處城日臨殘雪動風掃亂沙鳴向晚羶帷坐迢迢數驛程

七個井子

投宿如爭穴停驂倦乍消土牀高似几茅屋小於瓢燭影陪金盞

鄉心度板橋喜看新月上眉黛倩誰描

白山子

一綫通諸嶺豁窅四面開澗深懸凍雪村廢積寒灰野日時隱見

天風自往來休言行役苦終勝住輪臺

哈密

塞外無春豈有花伊吾今日再停車漸看弄影千絲柳不見流甘
五色瓜南北分途資控制蕃回異俗自繁華輪臺遙隔千餘里依
舊天山一桁斜

途中憶兒輩

侵尋已過杖家年猶向征途望曉天匿跡幸無官長罵多情惟願
子孫賢藏書屋小停詩社種秫園荒費酒錢保得餘齡冀聞道不
須修煉學神仙

阜康縣

欣遇齋詩集卷十二

三

邑小纔如聚山多半作邱何曾金滿籠

唐爲金滿縣

但見草盈疇積雪

春猶凍荒村晚欲愁土牀聊憩息不寐擁征裘

初日行

寒日出地光不動黑雲卷盡丹霞送熏然忽想負暄翁一領黃棉
解紱凍正月已過二月來時眇柳發如花開老去先愁筋力軟如
何奔走衝黃埃少年日高慵不起此日昧爽行十里但祝長晴莫
晦陰旅客東西盡歡喜屈指六月當還家高天火傘無雲遮炎涼
有定君勿怨羲和辛苦鞭龍車

玉門縣用舊韻

西池親見貢瑤環萬里征人此日還匹馬短衣春色外不須三疊

唱陽關

安西旅次

地是唐都護人猶楚逐臣
還終有日直道可容身
談笑辭西極衣冠望北辰
屢逢乘傳客且喜作堯民

嘉峪關

萬古存中外千峰壯此門
合符關吏傲投館使車奔
驃騎連營列羌渾異俗繁
勉旃封守重莫恃有耕屯

漫成

有寺人家近無山日氣暄
如鳩回紇女騎馬綠楊村
橋引清渠活天含遠樹昏
連朝佳釀絕幽意與誰論

欣遇齋詩集卷十二

四

早發

烟林齊似堞沙路軟于棉
車馬三更發關河萬里懸
微生虛荷戟寬典竟歸田
羞向山村過知爲達者憐

明將軍平苗作

上將行天討諸蠻一鼓平
舞干符禹德采芑異周京
撫輯仍留後疏封早策名
五溪休恃險買犢事刀耕

憶昔鏖兵日三軍望老謀
功原輕歷下星已墮壺頭
福公卒于軍蠶薑心雖毒鯨鯢血竟流
親臣當闔寄真解

廟堂憂

宜制軍出師川北

聞道中丞西出師，狂童膽落見旌旗。
營連鐵騎吹笳集，地匝金牛插羽馳。
豈有潢池勞撻伐，屢煩

黼座問瘡痍。凱旋定獻平蠻頌，錫爵酬庸四海知。

肅州

烟林簇簇水濺濺，日薄風尖上已天。
來往酒泉城畔路，似曾沉醉過三年。

紅柳如花着意濃，撩人春色夢惺忪。
白雲約我山頭宿，眉月還來第幾峰。

鹽池

沙軟人行怯原空，日下遲驛程嫌簿。
記客舍耐宵炊，芳樹圍秦甸。

欣遇齋詩集卷十二

五

春流寫晉祠，會須登眺徧。緩緩問歸期。

高臺書事

沃野魚鱗錯，清渠燕尾分。雪山晴射日，烟火暮蒸雲。
稻美流匙滑，泉甘漱齒芬。村氓猶計拙，負戴易離羣。

再過張掖懷故友馮香桐明府

秉驪

天涯涕淚感吾曹，不見馮公意氣豪。
飲遼公榮何惜醉，談蓬輔嗣竟忘勞。
贈行脫手兼金重，歎逝傷心宿莽高。
愁對華軒明月在，琵琶聲斷鬱輪袍。

琵琶聲斷鬱輪袍

硤石驛

高山誰設險，屏障古河湟。
峽束風雲氣，天橫戰伐場。

相傳宋狄青駐兵于此

驚麈時出沒亂石半青蒼落日靈祠暮依稀辨定羌

峽中有定羌廟

甘州

初日澹于月殘春寒似秋細塵交霧重亂水逐車流入塞人多喜
逢村醉未休小兒應念我誰識到甘州

赤金峽

小李將軍畫丹青萬仞山漉金湖水涸驅虎燒痕斑列戍元通衛

明設赤金衛

烟村覺近關采風思治理莫惜道途艱

布隆吉

沙虛藏石險林響受風多疊嶂排空上行人際曉過勞生孤造化
聞道補蹉跎計到繁華地春歸奈爾何

欣遇齋詩集卷十二

六

將次涼州

野店烹茶井水醜風沙撲面透征衫憑誰博得涼州守一斗蒲桃
且解饒

涼州

萬峰晴雪照天都形勢居然壯版圖東接臨洮烟樹合西瞻銀夏
水雲孤羌兒織罽千絲網豪客徵歌百琲珠兩度尋春春不見

丑及丁巳俱以三月過此

蒲桃酒盡杏花無

歸路

歸路平分百日程解冠落珮也身輕當年擁傳真兒戲不及看山
自在行

絕句

驚沙怒而飛寒草慵未綠山下白雲深半掩田家屋
凌晨風尚厲逢村且沽酒數錢問當壚但道已無有

靖邊驛對月

晝長投宿早客久望鄉深賴有清宵月能知遊子心
暈涵涼露濕光逼衆星沉我亦南飛鵠悲鳴想故林

古浪峽

仄徑穿山腹飛湍吼石梁千盤移蜀道數騎塞陳倉
斜景分諸峯遙青入大荒松林喜相見潤挹鬢毛蒼

出峽宿
青松驛

岔口驛戲作

欣遇齋詩集卷十二

七

楊朱悲歧路仲由傷迷津若教大道直如矢行子日夕摧車輪
短亭飯罷長亭宿不聞悲絲與豪竹今古銷沉何足憂得免風塵卽
爲福我行吳楚魯衛燕黔粵秦晉趨西天廿年足跡半海內竭來
攬鏡愁華顛此去蘭泉纔十舍青燈笑人坐深夜村酒澆愁愁更
多但憶閨中別時話青燈與我俱情癡不論窮達長相隨只今破
壁搖光處定照紅窻引夢時

偶成

入塞風光好歸心漸覺寬塵消天地出春老雪霜乾歎歲人多徒
軍需力恐殫百壺惟覓醉夢已到長安

武勝道中

謾謾松濤起東風不肯閒
褪紅春後杏淡墨霧中山地冷耕農少
沙飛探騎還時官兵赴楚
忽聞征鴈唳何處是鄉關

枝陽渡口

十里嵐光冷濕衣
水田雲碓盡生機
何當著我松林住
閒看溪頭白鷺飛

平番道中

塞帷向日絕風埃
無數遙山撲面來
小市幾家還築堡
戍樓數里又逢臺
松林背嶺深無路
水碓衝波殷若雷
撩亂春愁向春問
梨花何事避人開

紅城送春作

欣遇齋詩集卷十二

剛盼春來又送歸
柳絲無力杏花飛
半函繭紙懷人句
一領鸚裘度夏衣
殘月樓臺啼杜宇
晚煙庭戶落伊威
東皇預約明年會
櫻筍廚香罷采薇

短歌行

獨行易悲日長苦
飢故鄉在望山川間之一
解有苑者柳鳥鳴啾啾
妻子好合兄弟孔懷
二嗟爾君子日慎一日勿謂無傷
相在爾室
三二露葵衛足百川歸
墟客遊不返心其忍
諸四解

北歸蘭州作

歸途纔及半辛苦
思便憩朝遊五泉山
夕宿白塔寺囊中有酒錢
客邸解俗累聊浣塵
土衣并濯藥茗器

春風別我去夏日炎可畏問道卜夜行雖爽不成寐老矣宜伸足
屈膝非吾事生平好醉眠二遊曾作記千金市藥豈不醫其國
傳聞征秦蜀將士厲兵氣軍需疲輓運較我孰勞瘁妄求與苟免
二者天所忌無如素位行吉凶勿敢避言人難離職豈其守正關
泯泯蒼天高荒荒白日逝賢豪同一邱焉用角小智南溟翔鯤鯨
西極走騏驥願學斥鷃徒枋榆恣游戲

遊五泉山和松華吳山長

鎮韻

綠樹緣山石漱泉一城煙景望蒼然黃流未漲桃花水漫說乘槎
直到天

曲廊小憩勝登臺最愛茶香罷舉杯繚白縈青山下路游人累席

欣遇齋詩集卷十二

九

坐蒿萊

題雨樵聽泉小照

詩翁觀衆妙端坐若深省倚松且聽濤臨流不照影大千入毫髮
物動心自靜倘非慧業人豈能樂斯境

題茗浦歸鞭小照

代雨樵作

丈夫志四海所向無險阻匹馬可橫行焉用逐徒旅憶昔扁舟泛
笠澤與君同醉吳天碧及來西域看明霜六載聽雞還共宅玉關
歸去春欲半隨行仍是舊欸段當時奴僕背而馳世事炎涼何足
歎青山萬里盡王程計日揚鞭赴大名千金市駿信不謬披圖仿

佛風雲生

題懋齋納京圖

福地不在遠適意得其真陶公北窓卧便謂羲皇人藁篁覆清池
雨過青鱗鱗憩石玩水花揮扇怯浮塵朋來少晉接放跡忘冠巾
怡神遊八極作圖傳千春余亦好獨樂將與君卜隣相從談釣弋
差免思鱸葦

祖師院牡丹

絳萼紅趺擁翠盤霓裳曲罷舞衣寬名花似我同零落太息無人
獨倚欄

孔西谷小照

卉木抱生機簡編含妙義彼非求玩賞在吾領其意藐躬聽造化
欣遇齋詩集卷十二
十
焉用角私智無事此靜坐萬感潛不熾如斯可百年澹泊以明志
笑謝塵中人喧寂同一致

送雨樵後有懷

鳳林關外送行輶鳴鶴城邊我尙留最怕情多休話別爲憐鄉近
不登樓長榆影落黃河冷古磧寒生碧草秋也解相思了無益偏
教振觸上心頭

北灣

渠引黃流曲曲通麥苗遙接樹陰濃炊煙欲補青山缺白屋蒼茫
翠壽中

靖遠懷方青門同年

曲安藍

薄行靖遠縣美政猶在目地饒鄭白渠人近邠岐俗鳩啼桑柘深
雲卷麥苗熟和氣布山川淳風逮樵牧緬思京邸遊廿年如轉燭
君叨伯樂知我尚楊朱哭南歸良慰意君乞身歸田西行嗟鬻足余自西域
還
太息勿復言詩成靖民讀

山行有感

山行偶亦佳久行輒心惡嵌空雲氣奔撲面石勢落徑仄列虬兕
峰鏡聚劍鏗苔壁捫手滑流泉橫路躍遊子眇旅途心急思所托
縱然烟霞姿喘汗反錯愕萬事任險夷寸忱蓄憂樂不如局外看
何必試芒屨

營盤水

欣遇齋詩集卷十二

二

風扶藤蔓立沙盪石棱平危磴容垂趾深林易愴情避人因起早
貪涉反紆程長夏江村好如何事遠征

水頭道中

轍古經沙沒尋途認馬蹄草蟲時叫嘯野鳥各東西樹與蒼煙合
山隨夕照低倦遊休作賦猿鶴待幽棲

銀川樂

黃河來自崑崙西潑波聚浪無纖泥曲折入塞已萬里會同衆水
無端倪銀川地卑水易蓄井田溝澮隨高低上天獨厚此一郡碧
雲掩冉連千畦稻香魚美擅樂利涇水一石誰能躋下灌洛汭始
泛濫人與河角綿長堤不肯棄地順水性斗金日費良癡迷往者

西夏拒宋命熙河累歲聞征輦韓范雖云能破膽究令雄據勞黔
黎此川計可活萬姓有益無害非涖蹄吾鄉澤國應遜此便當築
室同鋤犂前村後村逢牧豎十里五里聞鳴雞數畝已堪贍入口
蚩氓何事猶分攜宣夏人多赴塞外沃土不材真至語斯民曾否悔噬臍
銀川樂宜依棲飽饘粥列鹽虀君不見宣防瓠子榷復決可能腰
劍剗鯨鯢

宿紅莊

隴坂行將盡邊城復此遊路因孤客遠月到五更愁宛洛餘烽火
瀛津有釣舟少陵多肺病吾亦眇涼秋

對月懷雨樵

欣遇齋詩集卷十二

七

好月任教千里共賞心何必二難并知君怕寫懷人句冷落長亭

更短亭

途次絕無雨樵題壁

宣和堡

山岡陶穴長兒孫青稞芄芄綠滿村日暮陰風縈蔓草祇疑猶有

喚羅魂

自中衛至宣和堡懷雨樵

鳴沙城外濁流狂西接銀川勢渺茫驛路不隨芳草斷離心翻覺
暮天長馬前得句三邊月酒後懷人兩鬢霜同是歸途君更樂藕
花香裏泛漁航

遣懷

紗帽無緣斗笠親十年南北走風塵自矜鼠璞非求價縱作興臺
也是臣閱世久知醒亦夢還家翻笑主爲賓燈紅酒綠瀟瀟雨誰
信當年擊劍人

雨留客舍二日

快意天所靳凡事存有餘并日喜騁駕積雨停其興早知中道憇
曷不與友居近鄉心轉急徒倚空躊躇元螭逐旱魃且食園中蔬
人生皆分定遲速休長吁明晨驕陽赫觸熱凌崎嶇何當返田圃
戴月同荷鋤

邊行口占

大漠沙蒸日氣黃數家殘堡草全荒一從出塞詩才冷不忍重題

古戰場

欣遇齋詩集卷十一

七

緣邊故壘尙嵯峨心性空原佩劍過直北關山青一髮望鄉無奈
暮雲多

濕雲粘草雨鳴沙油幕寒生半臂加低首貪看新綠好不知風掠
鬢絲斜

綏德蒙將軍墓

秦祚已天亡何云斷地脉身甘伏劍死志豈奸豎奪可惜太子俱

雙冢猶突兀

扶藟墓相望

豐碑書將軍佳氣來恍惚荒山青連絲白日

慘欲没下馬且再拜千載憫冤魂人生終有盡奚必相煎迫蕭蕭

望夷宮何處尋遺骨

榆林道中

沙磧摩天望漸低，巒螭塞北晉雲西。馬經廢堡嘶空壯，人踏荒岡徑屢迷。澗道時聞驚瀨響，深林絕少慧禽啼。榆關老去鄉心切，賴有銜杯醉似泥。

漫興

承關主人未暇...

恩入塞復遊邊，烈日炎風五月天。玩世形容原偶爾，飲冰心跡似當年。巧偷清福誰能妬，欲著奇書定可傳。五嶽歸來真不媿，他生何處結前緣。

吳堡渡河

欣遇齋詩集卷十二

古

彭城風雨記當年

丁未徐州渡河

白髮還鄉又喚船，河勢中分秦晉界。山

光遙入蔚藍，天岍花弄客飛仍。墜新月如人闕，未圓欲訪潛夫何

處所，亂鴉啼破綠楊煙。

輓張總戎

玉關生入未還家，始信存亡自有涯。

丹詔恩深矜耄耄，泉臺命迫委蟲沙。一棺豈意親廝養

留僕護喪

五畝

空煩卜永嘉

公將卜居温州

我幸癡頑能忍辱，為君流涕演三車。

汾州

太行晴色照汾河，簫鼓樓船漢帝過。寶鼎已沉雲氣散，竹宮猶峙夜光多。虛傳醴醑邀詞客，那得夫容引曼歌。一片銀蟾千樹柳，頰

君相伴到滹沱

文水縣

綠樹圍村一水環
曉來清氣浥塵顏
南風一縣蒲萄熟
羨爾長依供奉班

清源

歸路趨三晉
嚴裝已十旬
投村童肅客
卷幔月依人
井邑煙相接
桑麻綠自勻
欣看唐魏俗
未忍嘆風塵

懷友

三晉雲峰夾路迎
思君舟楫浪前輕
但期好月同千里
莫問郵籤隔幾程
結友定知逢子敬
題詩強半憶雲卿
他年相見宣和里
漫

欣遇齋詩集卷十二

五

向侯門說姓名

過壽陽有感呂明府

節義窮時見官聲
去後尊勢孤難恃
直民樸易銜恩
莫以蘭荃棄
翻嗟鄭衛存
讀書終不負
歸老閉柴門

行平定道中

出坎入坎山勢惡
車輪穿穴與石角
終朝顛簸筋骨酸
翻悔不如徒步樂
有時經雨滑側足
僕夫駭汗神錯愕
天門矗立踰百仞
曲折橫亘殊岿嶮
我思此山本僻壤
五丁當時未開鑿
何人甘效愚公愚
強挽輪蹄向此托
竭從塞外走戈壁
雖同硯礪地展拓
云何設險阻燕趙欲
問蒼天氣盤礴
夜夢山靈向我語
無平不陂非妄

作履險如夷聖所敦坦途何嘗不折脚五嶽四鎮及八陘億載奠
安爲地絡辨析未終意恍然且復扶筇理芒屨

入井陘界

萬點蒼山近草廬炎風烈日尙驅車固關一路槐花落席帽如今
懶上書

贈彭州倅

希曾

未接芝眉秀先沾竹葉芬
承惠酒饌醉聽花外雨人隔水東雲散吏添
詩債遊蹤羨鶴羣相逢休恨晚脫劍便論文

保定寓舍

鄉近山川是朋來笑語真誰知天外客還作夢中身
旅寓月餘風助秋

欣遇齋詩集卷十二

六

宵熱兒甘旅舍貧
兒子來省買舟明日返煙浪接三津

保定寓舍

青鬃數鬣美鬪琴

未對芝眉秀先沾竹葉芬
承惠酒饌醉聽花外雨人隔水東雲散吏添

保定寓舍

希曾

謝土膏

萬里蒼山張草廬炎風烈日尙驅車固關一路槐花落席帽如今

保定寓舍

未對芝眉秀先沾竹葉芬
承惠酒饌醉聽花外雨人隔水東雲散吏添

詩集卷十二



